


DITIRAGALO TŠA SEBJALEBJALE

DI DIRWA GO BA PEPENENENG

KE SEPOROFETO

 A re kobamišeng dihlogo tša rena. Morategi Tate wa Legodimong, re leboga Wena bošegong bjo ka baka la gore O re arabela thapelo. Mosadi yo wa go ratega wa go šokiša a robetšego fao, moo go buwa go feitšego. Eupša, O Modimo, re elelwa go buwa ga mathomo mo go kilego gwa dirwa lefaseng, O dirile ka Bowena. O tšere go tšwa lehlakoreng la Adama, kgopo, wa tswalela mosego, gomme wa dira mogatša. O Tate, ke a rapela bošegong gore seatla sa Gago se tla tla tlase bjale gomme se tla dira selo se segolo seo re se kgopelago. Gomme ba bangwe ba, Morena, mosadi yo yoo a tlaišegago ka kgatelelo ya monagano, le ka moka ba bangwe bao ba nago le dikgopelo, re no ba neela go Wena, Tate, ka pelo tša rena tšohle. Leineng la Jesu Kriste. Amene.

Ka nnete mongetla go ba fa bošegong bjo le go ba le batheeletši ba bakaone ba go ba lebelela. Gomme moepelo wo mokaone, khwaere ye nnyane ya go makatša. Ke be ke sa no nagana phapano, go bona bona bašemane ba eme fale ka . . . baisesa ba go lebelelega go hlweka, meriri ya go kerwa ya go hlweka. Ke be ke nagana, bošego bja go feta, ka—ka lefelo fao ke dulago; sehlogo sa magwaragwara se tlile tlase fao gomme ba leka go nweletša mošemane ka mogobeng wa go thutha; ba ile ba swanelwa ke go bitša selo se sengwe le go ba ntšhetša ka ntle ga fao. A phapano, go bona bana ba eme, ba opela dipina tša Ebangedi; a phapano.

² Ke nagana, bjalo ka ge Ngwanešu Henry a boletše fao, “banna bao ka wona moriri wa go swana le wo basadi ba swanetšego go ba nawo,” le a bona. Seo—seo—seo se gabotse. Go bonala o ka re . . . Ke bona bašemane ba ba e leka, ba na le moriri woo, ba bile ba beile setatolla dikhele ka go wona, go rarela sefahlego sa bona. Gomme ga ke tsebe, ke . . . nako ye nngwe ke nolega moko. Go bonala o ka re ke—ke nako ya therešo ya phapošo. Banna ba leka go apara diaparo tša basadi, gomme basadi ba apara diaparo tša banna. Gomme banna ba tlogela moriri wa bona bjalo ka basadi, gomme basadi ba na le moriri wa bona bjalo ka banna. Na molato ke eng ka batho ba, go le bjalo? A e ka ba, ka nnete, tšona ditlhale tša go hlompha le tlhompho di tlogetše setšhaba se le batho ba, lefase le?

³ Ye ke nako ya go šiiša, eupša ke nako ya letago kudukudukudu lefaseng, go rera Ebangedi. Ge nkabe ke ile ka kgona go ema mo morumong wa nako pele e e tla go ba gona, gomme Tate a be a ka ntebelela, gomme a re, “Ke nako efe go theoga go kgabola mabaka a o bego o ka nyaka go rera?” Ke be nka e nyaka thwi bjale, seo ke therešo, feela pele ga go Tla ga Gagwe.

⁴ Ke sa lebeletše ntle godimo ga batheeletši, ba ba dutšego fa pele ga rena . . . Modiredi mogwera wa ka, ka Tucson maabane, o be a nametše pere. (Ke nagana ka monna yo le yo . . . yo mosadi ka tisiki ka magetleng a gagwe.) Pere ye e ile ya mo foša. Monna yo mongwe o ile a mpitša ka iri ya pele mosong wo, go hotela ya ka, gomme a re, “Monna o Bookelong bja Veterans, gomme mahlo a gagwe a bjalo ka galase, mokokotlo wa gagwe o šilagane, dipshio tša gagwe di kgorometšegile ka ntle, gomme pelo ya gagwe e kgauswi le go feila.” Gomme fao ka ya fase godimo ga lebatlo, godimo ga matolo a ka; mogala, ka mo hwetša ka mafelelong a mangwe, gomme ka mo rapelela. Gomme šo o dutše fa bošegong bjo, o dutše thwi fao. Seo e bile bošego bja go feta. Bob, a o ka no emela godimo fao? Šole monna, thwi fao. [Phuthego e opa leopo—Mor.] Modimo o araba thapelo, mosong, bošego, nako ya sekgalela, bošegogare, goba nako ye nngwe le ye nngwe.

⁵ Bjale, ke—ke nna moreri wa go tatollwa botelele, bjalo ka ge ba e bitša. Ke no ba mohuta wa go hloya go thoma nako ye ya bošego, gomme—gomme ke ile ka gopola gore ke tla no tla ka mono. Bošego bjo bongwe, ka baka la eng, re be re bolela godimo fa ka lefelong le le itšego, gomme me . . . metsotso ye lesometlhano ka morago ga ge ke thomile, batho ba be ba topa dibjana gomme ba di šupetša go nna, “Homolelang! Homolelang, le swanetše go tšwela ka ntle ga fa,” ba kgoga disekerete, gomme ba tšwela pele. E be e se ya—ya moletlwana phošo, e be e le batho ba re bego re hirile go bona. Gomme mo—mosadi wa modulasetulo o ile a ya gomme a botša molaodi, a re . . .

⁶ A re, “Go lokile, le swanetše go ba le le ka ntle ga fa ka 9:30.”

⁷ Ka re, “Ga se wa ke wa bea seo ka konterakeng.”

⁸ Mohumagadi yo, bošegong bjo, o tllile tlase fa (mohumagadi yo mobotse ka nnete) gomme a re, “Re kwišišitše gore o a le nyaka,” a re, “e no le tšea botelele bjo o le nyakago.” Ka fao seo e bile se sebotse kudu. Ka fao ke leboga kudu ka seo. Ke mo go kaone kudu.

⁹ Ngwanešu Henry, ka nnete ke leboga bja gago—bja gago botho bja go ntaletša fa, le kopano ye.

¹⁰ Ke bile le mongetla bošego bja go feta wa go ba tlase fa ka go Assemblies of God fao ke dumelago gore Ngwanešu Boone ke modiša. Ke bile le nako ya go makatša tlase fao le sehlopha seo sa batho. Gomme bosasa bošego re ya felotsoko ka godimo fa, ga

ke tsebe gore ke kae, gomme ke kopano ye nngwe. Ba hlokomela yeo; ke no tšwela pele ke rapela, ke bala, gomme ke e ya mmogo, gomme ke ka moka ke kgonago go tšwela pele le sona.

¹¹ Eupša, bjale, re bona dilo tše di sa tsebegego ka letšatšing le. Bjale ke eletšwe nako ya mafelelo ge ke be ke le fa, e be e le ka kopanong ya tente. Ke elelwa ke bolela ka yona bošego bja mafelelo, ka banyalani ba bannyane ba ba go tliša ngwana wa bona wa go hwa ka gare. Ke—ke godimo felotsoko godimo fa, ba otletše letšatši ka moka le bošego. Mme yo monnyane a dutše, a nyamile, a swere ngwana yo yo monnyane ka matsogong a gagwe. Bjale, a ka no ba a dutše thwi fa bjale, go ka moka se ke se tsebago. Gomme o... monna yo monnyane, a sego ba bakae ba bangwe gape banyalani ba na le bona, gomme ba be... Gomme a re... a mpotšiša ge nka tla ka kua (monna o dirile) koloing. Ke ile ka tšeela ngwana yo monnyane ntle gomme ke be ke nno mo swara; yo monnyane wa, go hwa, wa go thatafala, seemo sa go tonya; gomme ka thoma go rapela. Gomme ge ke rapetše, mmele woo wa thoma go kwagala bjalo ka ge o ka re o be o thoma go ruthela. Ka fao ka no... ka no tšwela pele ke rapela. A thoma go raga le go šišinyega, a e ya pele, ka fao ka... thoma go lla. Ka le neela morago go mme, a ya morago gae le lona. Ka fao, ba ka no ba ba bile e be e se Bakriste, go ka moka ke se tsebago. Le a bona? Go be go makatša.

¹² Eupša se ke naganago ka sona, bošegong bjo, ke tseba kereke ye e hwago, gape, ke batho ba rena ba Mapentecost. Re swanetše go šišinyegela ka ntle ga se, uh-huh, seo ke ka moka. Gomme tsela e nnoši o yago go se dira ke ka thapelo le Lentšu la Modimo. Yeo ke tsela e nnoši re yago go e dira. Fao go na le tsela e tee feela go ya ka ntle, Yena ke Tsela yeo, Jesu Kriste wa go swana maabane, lehono, le ka gosafelego. A re ka nyaka kereke ya rena e fihla ka lemong bjalo ka ge a boletše godimo fao, go swana le ka England? Leo ke lebaka le ke bego, le a nagana, ke le yo mošoro, ke le kgakgamollela ntle. Gomme ga ke re go dira seo, eupša ga ke nyake go bona kereke e tsena ka mohuteng woo wa sebopego. Ga le nyake go ba ka sebopegong seo. Le—le swanetše go E itiella fase kudu go fihla le E itia ka sepekere gomme le E dira e kgwaparetše. E swanetše go dirwa.

¹³ Ka fao bjale, bošegong bjo, ke no ba... Mangwalo a a itšego le hlogotaba fa ye ke nyakago go bolela ka yona lebakana. Ga ke ye go bolela nako ye e itšego. Le a lapa, ka baka la eng... Nka no ba ke feditše metsotsong ye masometharo, gomme go no ya ka... Ka mehla ke no fela ke le mohuta wa go e tlogelela Moya wo Mokgethwa, feela tseleng efe goba efe A hlahlalago.

¹⁴ A re kobamišeng dihlogo tša rena lebakana feela botelele, re bolele le Mongwadi pele re bula Puku ya Gagwe.

¹⁵ Modimo Ramaatlakamoka, Mongwadi wa Puku ye, ka Jesu Kriste re a rapela. Re a leboga ka seo re šetšego re se kwele bošegong bjo. Ge re ka—ka feleletša kopano ye ka, “Amene,” gomme ra ya gae, e bile mo go botse go ba fa, ka gore re a tseba gore O be o na le rena. Gomme, Tate, ge re bula Lentšu le bjale, bolela le rena thwi go tšwa Lentšung le, gore re tle re tsebe iri ye re phelago go yona. Ge re tseba iri ye re phelago, gona re ka kgona go lokišetša iri yeo; eupša ge re eya ka gare ka bofoku re sa tsebe *eng* goba *kae*, gona ga re tsebe ka fao re ka lokišago. Ka fao, Tate, re a rapela gore O tla re dira gore re bone Areka fao, le Mojako, o bulega, gomme Molaetša o re biletša ka gare. E fe ka Leina la Jesu Kriste. Amene.

¹⁶ Ka Mangwalong a Makgethwa, ke rata go bala temana fa; ye e hwetšwago ka kua ka Pukung ya Mokgethwa Luka, go 24 tema, ya . . . Ke ya go thoma ka temana ya 13, gomme ke bale karolo ya Yona.

Gomme, bonang, ba babedi ba bona ba ile ka letšatši le le swanago go tšwa motseng wo o bitšwago Emause, woo go tloga Jerusalema e bego e ka ba a masometshela—mašemo ka monabo.

Gomme ba be ba bolela mmogo . . . dilo tše tšeo di diregilego.

Gomme gwa tla go phethega, gore, ge ba sa boledišana mmogo gomme . . . Jesu ka boyena a batamela kgauswi, gomme a ya le bona.

Eupša mahlo a bona a be a širetšwe gore ba se ke ba mo tseba.

Gomme a re go bona, Ke mokgwa mang wa poledišano wa tše le nago natšo yo motee go yo mongwe, ge le sepela, gomme le nyamile?

Gomme yo motee wa bona, yo leina la gagwe e bego e le Kleopa, a fetola gomme a re go yena, A ke wena o lego mosetsebje a nnoši mo Jerusalema, gomme a wena ga o tsebe ka moka tše dilo tše di diregilego . . . matšatšing a?

Gomme a re go bona, Ke dilo dife? Gomme ba re go yena, Mabapi le Jesu wa Natsaretha, yo e bego e le moporofeta yo maatla medirong le lentšung pele ga Modimo le batho ka moka:

Le ka fao baprista ba bagolo le babuši ba mo gafetšego go lona . . . go ahlololwa lehu, gomme ba mmapotše.

Eupša re be re holofetše gore e be e le yena yo a tlogo go lopolla Israele: gomme ka ntle ga se ka moka, lehono ke letšatši la boraro go tloga mola dilo tše di dirilwego.

Ya, gomme ba bangwe ba basadi le bona ba mogofe wa rena ba re dirile gore re tlabege, bao ba bego...ba le lebitleng;

...ge ba sa hwetše mmele wa gagwe, ba tlile, ba bolela, gore gape ba bone pono ya barongwa, ba ba rilego go bona...ba ba boletšego gore o be a phela.

Gomme ba bangwe ba bona ba ba bego ba na le rena ba ile lebitleng, gomme ba hwetša gore go be go le bjalo ka ge basadi ba boletše: eupša yena ba...eupša yena ga se ba ke ba mmona.

Ka gona a re go bona, O mašilo, le ba pelo tša go tšwafa go dumela (go se dumele) ka moka se baporofeta ba se boletšego:

A Kriste o be a se a swanela go tlaišwa ka dilo tše, gomme...a tsena ka letagong la gagwe?

Gomme a thoma ka Moshe le ka moka baporofeta, a ba hlathollela...ka moka mangwalo dilo tše di amago yenamong.

A nke Morena a oketše ditšhegofatšo tša Gagwe palong ya Mantšu a Gagwe.

¹⁷ Bjale ke tšea...ge ke e bitša thuto, ke rata go tšea ye: Ditiragalo...*Ditiragalo Tša Sebjalebjaale Di Dirwa Go Ba Pepeneneng Ke Seporofeto.* Bjale, ka mehla e bile ya Modimo... tsela ya Modimo ya go se fetoge go ya pe-...go dira batho ba Gagwe go tseba pele pele ditiragalo tše di itšego di diragala.

¹⁸ Ge batho ka matšatšing a Morena Jesu ba ka be ba ile ba no nyaka Modimo gomme ba no tseba seo se bego se le kgauswi le go direga, ba ka be ba se ba ke ba ahlola Jesu go ya lehung. Eupša lebaka e be e le, ka baka la gore Mangwalo a be a swanetše go phethagatšwa, ka baka la gore Bajuda ba be ba swanetše go fofatšwa. Ka moka re tseba seo.

¹⁹ A le a lemoga gore seo se tshephišitšwe gape ka go lona lebaka le leo re le phelago? Lebaka la Kereke ya Laodikia, lebaka le la bošupa la kereke le re lego ka go lona bjale, le a ponoka, le a šokiša, le fofetše, gomme ga le e tsebe. Go swana le ge A ba fofaditše morago kua ka morero wa go iša Molaetša wa Gagwe go kgabola go ya go batho ba ba kgethilwego, O tshephišitše go dira selo se se swanago lehono.

²⁰ Gomme ge nka bolela se go hlompha, go ka moka baena ba ka le go dikgaetšedi ka go Kriste, le letee la matšatši a yo mongwe o ya go re, "A ga se gwa ngwalwa gore dilo tše di swanetše go direga pele?"

²¹ Gomme e tla ba ka tsela ye e bego e le ka gona nako yeo, "Ruri, Ke re go lena, o šetše a tlile, gomme ba dirile seo se boletšwego ka yena."

22 Ge ba Mmotšēšitše, ba re, “Ke ka lebaka la eng, ba mangwalo ba re, gomme Mangwalo a bolela gore—gore ‘Eliya o swanetše go tla pele.’” Ba boletše seo go Jesu.

23 O rile, “O šetše a tllile, gomme ga se la ke la mo tseba.” Le a bona? Gomme yeo mohlomongwe ke tsela ye e tla felelago gape.

24 Bjale re nyaka go hlongwe, go tseba se se diregago go lebaka le re phelago ka go lona. Modimo o abetše Lentšu la Gagwe go lebaka le lengwe le le lengwe, bokalo bjo go lebaka le lengwe le le lengwe, gomme re swanetše gore re ele hloko gore lebaka le letee le ka se kgone go lepellega ka go lebaka le lengwe. Se ka se ke sa no šoma. Mohlala, bjalo ka ge ke boletše, ke a dumela bošego bja go feta goba. . . Ke bolela kgafetšakgafetša, bošego ka morago ga bošego, mafelong, gomme nako ye nngwe ke dira tshwayo ye tee lekga la bobedi. Ga ke re go ipušeletša ka bonna. Eupša ke bolela se: Go be go ka. . . ke botse bo fe bo bego bo ka dira Moshe go leka go rera molaetša wa Noage? Goba ke botse bo fe e bego. . . bo bego bo ka dira Jesu go leka go rera molaetša wa Moshe? Goba ke botse bo fe bo bego bo ka e dira Martin Luther go tšwela pele ka molaetša wa Katoliki? Ke botse bo fe bo bego bo ka dira Wesley go tšwela pele ka molaetša wa Luther? Ke botse bo fe bo bego bo ka e dira go Mapentecost go tšwela pele ka molaetša wa Methodist? Goba ke botse bo fe bo ka e dirago Pentecost go tšwela pele mola Monyalwa a bitšwa? Le a bona, re thwi godimo ka nakong ya peu, re fa mo nakong ya mafelelo. Bjale, ntle le ge thoro ya korong e ka wela mobungi, e dula e nnoši.

25 Bjalo ka moswaswalatši, bjalo ka ge ke dirile ditshwayo go tloga mola puku e tšwelego, go molaleng gore le na le yona fa ka go ya lena—ya lena toropokgolo, mongwadi yola wa Mojeremane yo a ngwadilego ye tee ya dingwalwa tša go swaswalatša kudukudukudu. Ke mosedumele. Ka nnete ga go bjalo. . . Ga ke mo ahlole ka baka la ge a nkahlotše bjalo; eupša, ka baka la gore, e le mosedumele, puku ga ya swanela gore e tsoge e bile dišelofong. Gomme o rile, “Modimo yo a bego a kgona go dula godimo gomme a bolela gore O kgonne go bula Lewatle le Lehubedu gomme a lokolla batho ba Gagwe, gomme ka gona a dula ka diatla tša Gagwe go putla mpa ya Gagwe gomme a bona Bakriste bao go kgabola Dinako tša Leswiswi ba ripaganywa diripa ke ditau; moriri wa bomme bao o karabeditšwe ka sekontiring, gomme ba lekeletšwa difapanong gomme ba tšhungwa; gomme ngwana wa bona. . . bomme ba baimana, ba gagola mpa gomme ba kempola ka bong bja ngwana; gomme a dutše godimo gomme a se dumelela se direga; batho ba ba bego ba swanetše go ba bahlanka ba Modimo yo.”

26 Le a bona, Lengwalo le šušumeditšwe. O ka se tsoge wa kgona go tseba Lengwalo ka go dula fase gomme wa Le bala go tšwa ntlheng ya go ema ya thutabomodimo, go tšwa ntlheng ya go ema ya thuto; ga se ya ke ya šoma.

27 Ke be ke bolela le modiredi wa Baptist e sego botelele go fetile, o rile, “Go fihla ge re ithuta Segerika sa go nepagala, go fihla re...”

28 Ka re, “Ka Khantsheleng ya Nicaea, pele ga fao, ba be ba phegišana ka mantšu a Segerika ka Beibeleng.” O ka se tsoge wa Se tseba.

29 Beibele e tla utollwa ka tšhušumetšo. Seo ke selo se nnoši, kutollo. Jesu o boditše Petro, “Godimo ga letlapa le.” Letlapa le la kutollo le utolla gore Yena ke Mang. “Mošegofatšwa ke wena Simone, morwa wa Jona, nama le madi ga se tša utolla se go wena, eupša Tate wa Ka yo a lego Legodimomg o utollotše se go wena; godimo ga letlapa le Ke tla aga Kereke ya Ka.” E sego godimo ga Petro, e sego godimo ga Yenamong, eupša godimo ga kutollo ya semoya ya Seo A bego a le sona.

30 Gomme Ke Lentšu! Mokgethwa Johane 1, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la aga magareng ga rena.” Baheberu 13:8, “O a swana maabane, lehono, le ka gosafelego.”

31 Ka fao re phela ka letšatšing mo ponagalong ya Lentšu la Modimo e swanetšego go tla go lebaka le le fapanego go feta lebaka la Pentecost. Gomme seo ke therešo. Elelwang, le tla... Ke nna motho yo a sego a rutega; eupša o ka se kgone go fenya tlhago, ka baka la gore Modimo o šoma ka go tšwela pele ga tlhago. Go no swana le, bjalo ka ge ke boletše, letšatši le a hlaba gomme le a dikela; gomme le ya go kgabola letšatši, le bjalo ka lebaka la sekolo; gomme le a hwa ka manthapama, go hlaba gape mosong wo o latelago. Mehlare e dumelela mohlodi go theoga nakong ya marega, go ya ka medung, gomme o boe morago ka seruthwane.

32 Elang hloko, O Le swantšha le thoro ya korong, Monyalwa, lebaka leo Modimo a ilego a swanelwa ke go tlogela seo ka mokgwa woo. Yela ye kaone, ya nnete, ya mmapaale Kereke yeo ya go hlongwa ka Letšatši la Pentecost, e ile ya gola le go gola go tloga ka Letšatši la Pentecost, go ya go kereke ye kgolo, e ile ya swanelwa ke go wela lefaseng ka go Lebaka la Leswiswi gomme ya bitlelwa ka mokgwa woo peu ka moka e dirago. E ile ya swanelwa ke go hwa gore e tle e tle pele ka tsošološong gape. E tla pele ka mothong wa tsošološo, Martin Luther. Gomme go tloga fao, go no swana le lehlaka la korong le etla godimo. Selo sa pele se tla godimo, fao go na le ditsebšana tše pedi tše nnyane, ka gona e tšwela pele e oketša ditsebšana tše dingwe. Godimo go tla Martin Luther, gomme ka gona Zwingli, gomme pele go theoga, Calvin, gomme ge ba šuthela pele.

33 Mafelelong e ya go lenono. Bjale, yoo e be e le John Wesley ka lebakeng la Wesley. E bile le modula o wela morago.

34 Go tloga fao gwa tla lebaka la Pentecost, kgauswi kudu, go no swana le thoro ya nnete ya korong ge o lebelela lehlaka. Eupša ge o tšea korong yeo wa e bušetša morago, fao ga go na le thoro le e tee ka go yona ka moka, e no ba mooko ka *sebopego* sa thoro. Eupša o bile fao ka morero, go šireletša thoro go fihla. . . Ge letšatši le e itia ka mokgwa *woo*, le tla e bolaya.

35 E swanetše go dula ka fao go fihla nako ye e itšego, gomme ka moka Bophelo bo tlogela mooko (bjalo ka ge Bo tlogetše lehlaka, bo tlogetše modula), bo tlogela mooko gomme bo ya ka go korong, gomme bo bopega gape go no swana le ka fao e bego e le ka gona fase ka mobung.

36 Bjale, ka moka ga rena re a tseba gore ge molaetša o fiwa, ka mengwaga ye meraro ba dira mokgatlo. Ge ba dira seo, o o bolaya thwi fao; o dirile ka matšatšing a Luther, go le bjalo, o o dirile ka matšatšing a Wesley, o o dirile ka matšatšing a Alexander Campbell, gomme le ka moka ba bohle ba bona, gomme o o dirile ka matšatši a Pentecost. Tlwa! Le a bona? Le tla lefelong, yo mongwe le yo mongwe o ba kgokgorothwana, gomme o a fapoga, gomme ga ba kgone go amogela kutollo ye mpsha. Ba dudišegile fase; gomme ba fao, gomme ba hwela fao. Gomme Bophelo bo ya go kgabola fao, gomme bo ya thwi pele go dira korong. Gomme ge korong e e tla, Bophelo bjo bo sepelago ka go korong yeo, tsgo, bo tliša selo sohle ntle; eye, bo se tliša godimo go Tlhatlogo.

37 Bjale, elelwang, Molaetša wo o thomile pele ka phodišo ye Kgethwa, go dira mehlolo. Bjale, ge Modimo a dumelela seo go kgabola kereke ye e tlwaelegilego, go no swana le se re šetšego re na le sona, gona e be e se Modimo. Modimo ga a na le bomponeng; Yena ga a—Yena ga a swanela go dira dilo tše, go re thabiša, go swana le rena Maamerika re tlwaetše (boithabišo), eupša Yena o e dira go goga šedi ya batho, gore O lokišeditše go dira selo se sengwe.

38 Lebelela Yena Seyena ge A etla. “Moporofeta yo monnyane wa go makatša, rabi, moporofeta wa Galelia.” Ka baka la eng, bodiredi bja Gagwe bo be bo makatša, O be a amogelwa ka kerekeng ye nngwe le ye nngwe.

39 Eupša letšatši le lengwe A dula fase, a re, “Nna le Tate wa Ka re Batee.”

40 “Oo, nna!” Seo se be se tšwele. “Kgole ka moisa yo mobjalo!”

41 “Ntle le ge le ka ja nama ya Morwa motho, gomme la nwa Madi a Gagwe, ga le na le Bophelo ka go lena.”

42 “Ka baka la eng, ke senwamadi! Tlogang go motho yo mobjalo!” Le a bona?

43 Le a bona, fao go be go le selo se sengwe se se bego se swanetše go latela leswao leo. Le a bona, selo se sengwe se latetše.

44 Mooko o be o e swere, eupša bjale mooko o goga go tloga; o swanetše. Gomme elelwang, mengwaga ye masomepedi e fetile gomme ga go sa na le dikereke tša maina gape tše di tšwago ka ntle ga wona, gomme e ka seke. Re mafelelong a dikereke tša maina, korong e tšere sebopego. Eupša molato ke eng ka korong bjale, o ka se kgone... e swanetše go robala ka Bogoneng bja Morwa, go budušwa, pele mohlakanelwa o e topa.

45 Bjale, ditiragalo tše re di bonago di direga, e laetšwa ka botlalo ka Beibeleng, ya lebaka le lengwe le le lengwe. Re nagana gore ka moka re tšwele taolong, eupša ga se ra tšwa, selo se sengwe le se sengwe se no sepela tlwa le Lentšu la Modimo.

46 Bjale, Beibele ke puku ye e fapanego go tšwa go puku efe goba efe ye kgethwa. Fao ga go puku ye bjalo ka Beibele, ka baka la gore Beibele ke Modimo ka sebopego sa lentšu. Le a bona? Ke... Lentšu ke mogopolo ge o hlagišwa. Monagano wa Modimo o Le hlagišitše, Mantšu a Gagwe ka baporofeta; gomme ba ngwadile Beibele, yeo e lego ka sebopego sa lentšu. Gomme Jesu o Le beditše, "Peu." Gomme peu efe goba efe e tla tliša pele mohuta wa yona ge e le ka lemong le lebotse, seemo sa leratadima se se botse. Bjale, Puku ye ya... ke... Puku ye ya seporofeto, E—E bolella pele ditiragalo tša ka moso. Bjale, Puku e swere kutollo yohle ya Jesu Kriste. Ga o oketše go Yona goba go tšea go tšwa go Yona, gomme kutollo ye nngwe le ye nngwe e swanetše go tla ka Yona. Le a bona, e swanetše go ba Lentšu.

47 Ka fao batho ba re, "Ke bile le kutollo." Eye, re a tseba Joseph Smith le ba bantši ba bile le dikutollo le dilo, eupša e be e le kgahlanong le Lentšu.

48 E swanetše go tla go ya ka Lentšu ge eba e tšwa go Modimo, ka baka la gore ke go hlatsetša goba go kgonthiša Bogona bja Modimo. Gomme O tsebetšepele dilo tše ka moka, e lego... Ka tsebelopele ya Gagwe O beetše, beetšepele (ka Beibeleng e bitšwa, "go kgethelapele") lebaka lengwe le le lengwe go lefelo la lona, gomme monna yo mongwe le yo mongwe go lefelo la lona, le motseta yo mongwe le yo mongwe go lebaka la wona. Ke Modimo, diabololo a ka se goge selo godimo ga Gagwe. Gomme Ke Modimo, gomme O beetše selo se sengwe le se sengwe go direga, le go wela feela tlwa mothalading le Lentšu la Gagwe.

49 Ka fao ge re ka kgona go bona, ka Lentšu la Gagwe, lebaka leo le nako ye re e phelago, le tla e bona thwi ka Beibeleng, la lebaka le, se re swanetšego... seo se swanetšego go direga ka nako ye.

50 Bjale, tše—tše dingwe dipuku, re hwetša dipuku tše ntši tše ba di bitšago "dipuku tše kgethwa," le go ya pele. Gomme ke badile ko—Korana le tše dingwe tše ntši. Eupša, le a bona, tša bona—tša bona dipuku tše kgethwa di no ba mokgwa wa maitshwaro, le mekgwa, goba thutabomodimo.

51 Eupša Puku ye ke Moporofeta, E fapana le puku ye nngwe le ye nngwe. Beibele ke Lentšu la Modimo le le bolellagopele bokamoso. E bolellapele ka baka la gore Ke tshebotšopele.

52 Ge Modimo a romela eng kapa eng, O a bolela gomme o tshephišitše ka Beibeleng gore A ka se dire selo godimo ga lefase go fihla pele A se utolla go baporofeta bahlanka ba Gagwe. Yeo ke Amose 3:7. O . . . gomme Modimo ga a kgone go aketša. O a Se utolla, yeo e bile tsela ya Gagwe ya go se dira ka moka go theoga go kgabola mabaka. Ga se a ke a feila go e dira.

53 Bjale, re a tshephišwa, ka matšatšing a mafelelo, se gore se bušeletšwe. Fao go ka se be—be kereke, ga go kereke ya leina, Methodist, Baptist, Presbyterian, Pentecost, di ka se tsoge (ka diemong tša bona tša sebjaalebja) di bile di tšere kereke ye go ba Monyalwa. Di ka se kgone go e dira, di feitše. Di godimo ga mogolo yo motee go yo mongwe kudu, gomme bolefase bo khukhunitše ka gare, le go ya pele, gomme—gomme di hwile thwi ka ditherekeng tša tšona. Gomme ka fao Modimo o tseba seo.

54 Gomme go utolla Lentšu le, yo motee o re, “Go lokile, ke na le se. Gomme šegofatšang Modimo, Le ka tsela *yeo*.” Yeo e no ba tsela ye e bego e ka ba gona ge Jesu a be a etla nako ya pele; yo mongwe le yo mongwe o na le thuto, yo mongwe le yo mongwe o na le se. E swanetše go ba selo se sengwe se rometšwe go rena go tšwa go Modimo. Gomme Modimo o se tshephišitše. Gomme tsela e nnoši A tlogo go e dira, ke—ke go boloka phethene ya Gagwe ye e swanago. O tshephišitše go re romela, ka mo matšatšing a mafelelo, go ya ka Maleaki 4, moporofeta godimo ga lefase, “Yoo a tlogo go bušetša dipelo tša batho morago, dipelo tša bana morago go botate ba boapostola gape.” O tshephišitše seo ka Lentšung la Gagwe. Luka 17 le mafelo a mangwe a mantši fao A e tshephišitšego, seo A . . . se A tla se dirago ka mo matšatšing a mafelelo go tliša selo se go Lentšu le le hlatsetšwego.

55 Le a bona, motho a ka kgona go bolela eng kapa eng, eupša ntle le ge Modimo a ka hlatholla Lentšu. . . Le a bona, bjale, re na le tlhathollo ya rena beng, re re Le ra se. Gomme le se setee se, Momethodist, o bolela se, Mobaptist o bolela se, Mopentecost o boletše se, Mooneness o bolela se, Motwones o bolela se. Gomme, oo, nna, fao le gona. Eupša Modimo ga a nyake mohlatholli, Ke Mohlatholli wa Gagwe Mong. O hlatholla Lentšu la Gagwe Mong ka go Le hlatsetša ka lebakeng le Le nepilwego go lona, lebaka leo Le fetšwego lona.

56 Ga re phele ka lebakeng la Pentecost, re phela ka lebakeng le lengwe. Le a bona, ga re phele ka lebakeng la Methodist, re phela ka lebakeng le lengwe. Re phela godimo fa go lebaka la Monyalwa, go biletša Kereke ntle le go E tlišetša Tlhatlogo mmogo. Leo ke lebaka leo re phelago ka go lona bjale. Go kgopolo ya ka ya go botega seo ke Therešo tlwa.

57 Gomme Puku ye ke puku ya seporofeto. Badumedi ba yona ba laelwa go E hlomphe le go E bala, le go dumela Mongwadi wa Yona, ka baka la gore Lentšu le lengwe le le lengwe le le ngwadilwego ka fao le swanetše go tla go phethega. Selo se sengwe le se sengwe se se tshephišitšwego se swanetše go tla go phethagala, ka baka la gore Ke Jesu Kriste ka go lebaka le lengwe le le lengwe. Yo a swanago maabane, e be e le Jesu Kriste, a le ka go Noage; e be e le Jesu Kriste ka go Moshe, e be e le Jesu Kriste ka go Dafida, e be e le Jesu Kriste ka go Josefa; ke Jesu Kriste, wa go swana maabane, le hono, le ka gosafelego. Gomme ke Jesu Kriste magareng ga batho ba Gagwe le hono, o dira dilo tše A tshephišitšego gore O tla di dira ka go lebaka le. Ke Jesu Kriste.

58 Eupša kereke e tšile ya ba kgokgorothwana kudu, kgole kudu go tloga, bjalo ka ge ngwanešu a boletše fa. Gomme—gomme dikereke tša rena di ba ka tsela ye e swanago, go fihla ge re swanetše go ba le selo se sengwe go re šišinyetša morago go Lentšu. Re tseba bjang gore e ya go le dira? Le swanetše go tla go ya ka polane ya Modimo Mong. Le ka se kgone go tla ka motho wa fase, le ka seke la tla ka monna wa kgwebo, le ka se kgone go tla ka dikereke. Modimo o adile polane ya Gagwe fase.

59 Ke boletše fa ka Shreveport letšatši le lengwe, go kgašo ya setšhaba go putlaganya setšhaba, gore, *Go Leka Go Direla Modimo Tirelo Ntle Le Go Ba Thato Ya Modimo*. Dafida o ile a leka go tliša areka ya Modimo morago ka ngwakong. E be e le kgoši ye e tloditšwego. Ka baka la eng, o—o boledišane le ba gagwe—ba gagwe baemedi, dikapotene tše tša gagwe tša ba dikete, le dikete tše lesome, le go ya pele. Gomme ka moka ba rile, “Leo ke Lentšu la Morena.” Gomme ba boledišana le baprista, “Seo se be se makatša.” Gomme ka moka ga bona ba be ba šušumetšegile, ba goeletša, ba ile ba dira tiro ye nngwe le ye nngwe ya bodumedi e bego e le gona. Gomme ka go phethagala e be e le kgahlanong le thato ya Modimo, ka baka la gore fao go be go le moporofeta ka nageng ka leina la Nathane gomme ga se a ke a bile a no boledišwa ka yona. Le a bona? Gomme re a hwetša gore ga se ya ke e šoma le ge ba be ba hlokofetše, ba leka go direla Modimo tirelo.

60 Gomme o ka kgona go hlokofala ka mehla; eupša, go fihla ge re tseba se re se dirago, o lwa moyeng. Etna morago ka Lentšung la Modimo gomme o tle o bewe mothalong, gomme ka gona o ye; gona o a tseba. Bjalo ka le—lešole, ga le tsebe se le ka se dirago go fihla le hwetša ditaello tša go se dira. Re swanetše go ba mašole a Bakriste, gomme re hwetša ditaello go tšwa Beibeleng tša iri bjale; e sego maatlafatšo maabane, maatlafatšo letšatši pele, eupša maatlafatšo le hono (re ya ka tsela efe). Re hwetše iri ye re phelago ka go yona.

61 Ditiragalo tše tša sebjalebjae di thelela go rena ka pela, gomme letšatši le lengwe re ya go hwetša gore re tlogetšwe re se na le selo, gomme re tla swarwa, ra tswallelwa ka go leswao la sebata pele re le tseba.

62 Bjale, ka kgotlello re swanetše go letela se, diporofeto tše di tshephišitšwego, se sengwe le se sengwe sa tšona se swanetše go phethagatšwa ka lebakeng la sona. Ka baka la gore Se re botšapele, Mothomi o dirile se pele, gomme re a leta go Mmona a se dira gape. A nako ye e lego yona ye re phelago ka go yona! Selo se sengwe sa go swana le kha—khalentara; le lebelela khalentara go bona gore ke letšatši lefe la ngwaga le le phelago ka go lona, gomme le lebelela Beibele ya Modimo go bona gore ke bakaka lefe le re phelago ka go lona. Ga re phele ka lebakeng la Methodist, lebakeng la Baptist. Re phela ka lebakeng la Monyalwa, pitšong, go tliša morago go Modimo ka kanala ye A tshephišitšego go le tliša morago ka go yona. O tshephišitše go e dira.

63 Eupša bjalo ka ge go bile bjalo ka lebakeng le lengwe le le lengwe, batho ba dumelela monna go bea ditlhathollo tša bona beng go Lona ka thutabomodimo, gomme ba ka se dumele bohlatse bjo Bokgethwa bja Modimo go Lona (yeo, ke tlhathollo ya Modimo); e sego se ke se bolelago, se yo mongwe gape a se bolelago; eupša se Modimo a se tshephišitšego le se Modimo a se dirago, se hlatsela gore ke Modimo a dira tlhathollo ya Gagwe Mong ya Lentšu la Gagwe.

64 Ba le boditše lena Mapentecost, masomenne tlhano, masometlhano a mengwaga ya go fetla. Bommagolena le botatagolena, ge ba be ba sa le mapentecost a mmapaale, ba tšwetše ka ntle ga mokgatlo le go rogaka selo gomme ba sepela ka ntle ga sona. Ka gona bjalo ka mpša go ya go mahlatša a yona, ba ile ba boela thwi morago ka go wona gape. Ba dirile selo se se swanago se se bolailego kereke, le bolaile ya lena beng ka selo se se swanago. Ga go selo kgahlanong le batho ka fao, ga go selo kgahlanong le wona, ke mananeo a selo ke wona a se dirago.

65 Gae, ke . . . ya gae . . . Ga ke rere se ka kopanong ya monna yo mongwe. Ke ya go rera *Mohlala Wa Serpente*, gomme o theeletšeng ge le tšea ditheipi.

66 Gomme, elang hloko, ba fošitše go bona tiišetšo ya diporofeto tša Lentšu la Modimo e phethagatšwa. Ge baprista bale . . . Ba e lokišitše godimo feela tlwa ka tsela ye Mesia a bego a eya go tla, ba be ba tseba se se bego se e ya go direga. Ba—Bafarasei ba be ba na le kgopolo ya bona, Basadutsei, Baherodian, le ka moka, ba be ba na le dikgopolo tša bona. Eupša ga se A tla . . . O tlile go fapana le yo mongwe le yo mongwe wa bona, eupša tlwa le Lentšu. Jesu o rile selo se se swanago se be se le fa: “Ge nkabe le Ntsebile, nkabe le tsebile letšatši la Ka. Ge nkabe le tsebile, nkabe . . . Le re, ‘Go lokile,

Moshe! Re na le Moshe.” O rile, “Ka baka la eng, ge nkabe le ile la dumela Moshe, le be le tla Ntumela; ka baka la gore, o ngwadile ka Nna.”

⁶⁷ Eupša, le a bona, ge Modimo a be a tiiša tlwa se A se tshephišitšego, ba bile le sona ka tsela ye e itšego ya mohuta wa seriti yeo Jesu a bego a swanetše go tla ka yona, gomme . . . Ke ra Mesia. Mesia o be a swanetše go tla go sehlopha sa bona goba e be e se Mesia. Go lokile, e ka tsela yeo, gantši, lehono, “Ge o sa bone ka digalase tša ka, ga se wa lebelela ka moka.” Le a bona, gomme ka fao yeo—yeo e no ba tsela e—e lego. Re . . . Yeo ke therešo. Re hloya go nagana seo, eupša ke Therešo ka go felela.

⁶⁸ Ka go Baheberu 1:1, Modimo dinakong tše di fetilego o ngwadile Beibele ka tsela ye e kgethilwego ya Gagwe Mong. Ga se A ke a E ngwala ka baithutamodimo, ebile ga A e hlatholle ka baithutamodimo. Fao ga se gwa ke gwa ba nako yeo—yeo baithutamodimo ba kilego ba ba le tlhathollo ya Lentšu la Modimo. Tlhathollo e tla feela go moporofeta. Gomme tsela e nnoši re yago go tsoga re ile go tšwela ka ntle ga tlhakanantswiki ye ke go Modimo go re romela moporofeta yoo, feela tlwa, tsela e nnoši e yago go dirwa. Le dumetšwe, la hlokomelwa, gomme—gomme phethagatšo.

⁶⁹ Le a bona, Lona ga se la ngwalwa ke monna, eupša Le ngwadilwe ke Modimo. Yona ga se puku ya monna, Yona ga se puku ya moithutamodimo. Yona ke Puku ya Modimo, e lego Puku ya seporofeto e ngwadilwego ke baporofeta gomme ya hlathollwa ke baporofeta. Beibele e rile, “Lentšu la Morena le tla go baporofeta.” Tlwa!

⁷⁰ Le laeditšwe gabotse bjang, goba, le diragaditšwe ge Jesu a be a etla lefaseng, gomme Johane e be e le moporofeta wa letšatši leo, gomme o—o be a porofeta. Ba rile, “Oo, o ra gore Modimo o ya go kgeilela fase diasosiešene tša rena tše kgolo fa le dilo tše ka moka? Gomme fao go ya go ba nako, ge tša rena—tša rena ditempele go ka se sa direlwa ka go tšona gape?”

⁷¹ A re, “Fao go be go etla nako ge Modimo a be a tla dira sehlabelo go tšwa go Kwana ya Modimo, Monna.” Gomme o boletše gore—gore o be a tla Mo tseba ge A etla. Gomme a re . . . O be a na le bonnete ka molaetša wa gagwe, a re, “O eme thwi magareng ga lena bjale gomme ga le e tsebe.” O thwi magareng ga lena gomme ga le e tsebe.

⁷² Gomme letšatši le lengwe ge Jesu a sepeletše ka ntle, Johane a lebelela godimo gomme a bona leswao lela ka godimo ga Gagwe, a re, “Bonang, Kwana ya Modimo ye e tšeago go tloša sebe sa lefase.” Wona motsotso wo o swanago Jesu a tseba ka nako yeo gore O hlatsetšwe pele ga batho. Bjale, O be a le Lentšu, a re kamaka seo? Beibele e rile O be a le Lentšu, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la

dirwa nama la dula magareng ga rena.” Gomme šo Yena, le . . . Šele Lentšu lefaseng (le lebelela! le phethagetše!) le tla ntle thwi ka meetseng go moporofeta.

⁷³ Seo ke therešo, Lentšu ka mehla le tla go moporofeta wa Gagwe. Ka fao re ka se kgone go Le leta gore le tle go baithutamodimo. Re ka se kgone go le leta gore Le tle go dikereke tša maina. Le swanetše go tla go Modimo tsela kanala yeo A re boditšego pele ka yona, gomme yeo ke e nnoši Le tla tlogo ka yona ka mehla. Le tla hloiwa, la nyatšywa, la ganwa. Ge Le etla, Le tla lahlelwa ntle go ya lehlakoreng le tee, le se sengwe le se sengwe, eupša Modimo o tla e dira go le bjalo. Le gannwe ka go Jesu Kriste, le gannwe ka go Johane, le gannwe ka Jeremia, le gannwe ka Moshe. Le ka tsela yeo ka mehla. Eupša Modimo o sepelela thwi pele ka tsela ye A tshephišitšego gore O tla le dira. Eye, mohlomphegi, ga A feile go le dira ka tsela ye e swanago.

⁷⁴ Monna yo a bonego pono goba a kwele lentšu la Gagwe, ga se a ke ka moka mmogo a Le kwišiša. Makgeng a mantši ga se a ke a tseba, ka baka la gore o no ba sedirišwa sa Modimo. Ke dikgopolo tša Modimo di hlagišwa ka dipounama tša monna; mogopolo, ka therešo, ke lentšu le hlagišwa. Modimo o dira kgetho ya Gagwe Mong ka ya Gagwe—ya Gagwe kgetho ya kgethelopele. O e dirile ka go lebaka le lengwe le le lengwe, O beetše pele monna go lebaka le lengwe le le lengwe. Go swana le ge Moshe, ge a be a swanetše go phethagatša se A go se botša Abraham. Moshe o tswetšwe e le ngwana wa maleba, ga se a ke a kgona go thuša go ba ka tsela yeo. O tswetšwe ka tsela yeo ka baka la gore o tswaletšwe morero woo.

⁷⁵ Gomme ka fao re hwetša gore Modimo o dira seo ka go lebaka le lengwe le le lengwe. Modimo o dira kgetho ya Gagwe Mong ka ya Gagwe Mong kgetho ya kgethelopele, o kgethela lebaka baporofeta ba Gagwe le dilo; o beakanya—beakanya tlhago ya gagwe, tlhago ya monna, setaele sa monna sa go rera go . . . ka mpho ya bona le ka moka tše a di dirago, ke go gahlanetša tlhohlo ya letšatši leo. Modimo o hlola monna yoo gomme a mo roma. Gomme ka monaganong wa Gagwe Mong, bjalo ka ge ke rerile ka yona bošego bja go feta, ke rena peu ya tšene ya Modimo. O tsebile gore monna o be a tla ba fao ka lebakeng leo, pele ga ge fao go be go ka ba molekhule, goba seetša, goba eng kapa eng gape lefaseng.

⁷⁶ Ka gore wena o tšene ya tatago, o be o le ka go tatago, go le bjalo tatago o be a se na le kopanelo le wena ka baka la gore . . . O be a le ka fao, eupša o be o sa e tsebe le yena o be a sa e tsebe, eupša o ile wa bonagatšwa gore o tle o . . . gore a tle a kgone go kopanela le wena. Gomme wena ge o tswetšwe gape, o tswetšwe o le wa Bophelo bjo Bosafelego. Gomme seo ke sebopego se setee feela sa Bophelo bjo Bosafelego, gomme bjoo ke Bophelo bja Modimo. *Zoe*, lentšu la Segerika ke “*Zoe*,” sebopego se setee feela sa Bophelo bjo Bosafelego.

77 Ka gona ge o le morwa wa Modimo goba morwedi wa Modimo, o be o le ka go Modimo nako ka moka. Eupša O be a tseba mpete le nako ye o bego o tla bjälwa. Ka fao bjale o dirilwe sebopiwa, morwa wa Modimo, morwa goba morwedi wa Modimo yo a bonagaditšwego go gahlanetša tlhohlo ya iri ye go hlatsetša Modimo wa therešo le wa go phela wa iri ye, Molaetša wo o tlogo pele ka nakong ye. Seo ke therešo! O dirilwe fao pele ga go thewa ga lefase. Ge nkabe e be e se... Ge o be o se wa kgethwa ka tsela yeo, ga go tshwenye gore o leka go O ekiša ga kakang, o ka seke wa atlega. O ka kgona bjang go hwetša madi go tšwa go thenipi mola go se na le madi ka fao?

78 Leo ke lebaka le ke lekago go bolela ka batho ba ba naganago gore re be... re hlabela basadi lešata ka moriri wo mokopana, gomme batho ba mpotša ka go bolela dilo tšeo, “O ya go senya bodiredi bja gago.” Go senya bodiredi bjo Modimo ka Boyena a bo beilego? Se a se be kgole! Gomme ge batho ba ekwa Lentšu la Modimo... Ge ngwana a amarwa ka popelong ya mme, ge sele e tee yela e eya ka fao, sele ye nngwe e aga godimo ga yeo. Ga se sele e tee ya motho, ye e latelago ya ba ya mpša, gomme ye e latelago ya ba ya katse, gomme ye e latelago ya ba ya selo se sengwe gape; ka go felela, ka go otlologa, motho. Gomme ge monna a tswetšwe ka Moya wa Modimo, ga a hlabelle selo se sengwe gape ka bophelong bja gagwe, Ke Lentšu la Modimo le le sa otswafatšwego la go hlatselwa go iri yeo. O tšea Lentšu la Modimo la go tlala, ga a bee dithutotumelo, ga go selo se sengwe gape ka go Lona. Ke la go hlweka la go se otswafatšwe, Lentšu la Modimo le dirwa go bonagala magareng ga rena.

79 Lebelelang ka Beibeleng, le bona fao, ke lebaka lefe le re phelago ka go lona gona, ge le bona dilo tše kgolo tše di dirwa go bonagala. Ge Modimo a tshephišitše go e dira, ka mehla O e dira mafelelong a lebaka le lengwe le le lengwe ge kereke e etla go lefelo la go retologa, gomme e rotologa go tšwa go Lentšu go ya morago go sebe le bolefase. Bolefase ke sebe. Beibele e rile, “Ge o rata lefase goba dilo tša lefase, lerato la Modimo le bile ga le ka go wena.”

80 Ge ke bolela bošego bja go feta, ke be ke bolela ka—ka sehlabelo seo se bego se neelwa, Kwana. E be e swanetše go ba matšatši a šupa, go emela mabaka a šupa a kereke. Fao go be go se gwa swanela go ba komelo ye e hwetšwego magareng ga batho, go se be le komelo matšatši a šupa. Seo se ra gore fao ga go selo se hlakantšwego le Lona, Lona ga se la omelwa, kgafetšakgafetša. Gomme ga re nyake dithutotumelo, dikomelo le dilo dihakanywa le rena. Ga re nyake lefase le hlakanywa le rena. E swanetše go ba Borotho bja Modimo bjo bo sego bja omelwa, Lentšu la Modimo, Lentšu la Modimo le le sego la otswafatšwa, leo, “Motho o tla phela ka Lentšu le lengwe le le lengwe le le tšwago go molomo wa Modimo.”

⁸¹ Ditshepedišo tša dikereke tša rena tša maina, le diphapano le dilo, di beile komelo ka go rena, le *se le sela* le fešene le lefase. Gomme, oo, e fihlile mo ka moka bontši e lego Hollywood mo gohle. Mafelelong e tla go fihla e tla ba bjalo ka England fao, pitšo ya aletara e tla lešwa hlong. Nna! Bjalo ka ge ngwanešu a boletše, “O ka kgona bjang go tliša hlapi ka seketswaneng?” Seo ke therešo.

⁸² Re swanetše go ba le Ebangedi e rerwe ka botlalo bja Yona, le maatla a Modimo go hlatsela seo go ya ka tshephišo ya lebaka leo le go netefatša gore seo ke thato ya Modimo tlwa. Ka ntle ga Yeo o no ba lelolo ka kereke, go sa kgathalege gore o leka ga kakang, o leka go direla Modimo tirelo. O ka no ya go phathi ya go rokella le go roka, o ka no ba ka mehla o tshepega kerekeng; eupša ntle le ge peu yeo ya Bophelo bjo Bosafelego e beetšwepele ka go wena, go ba morwa goba morwedi wa Modimo, o tla golela godimo o le selo sa go golofala; eupša wa se be wa nnete, wa therešo morwa goba morwedi wa Modimo.

⁸³ Ke fela ke e fa setori se sennyane sa ntšhu ye nnyane. Ka fao molemi a ilego a alametša sethole nako ye nngwe, gomme o be a na le . . . Ke a holofela ga e kwagale go nyefola go lena. Eupša molemi a alametša sethole, gomme se be se . . . se hlaelela lee le tee go ba le go alamela. Ke a kamaka ge eba yo mongwe o a tseba gore go alamela mae ke eng, go dirwa ka a makae. Eupša, go le bjalo, o be a hlaelelwa lee le tee, go ba le a a lekanetšego. Ka fao a utswetša sehloga sa ntšhu, e be e na le mae a mabedi. Gomme a bea lee ka fase ga sethole.

⁸⁴ Ge ntšhu e phaphašitšwe magareng ga ka moka wona mantswiana, o be a le nonyana ya go se tlwaelege. O be a sa kgone go kwišiša go kekeretša ga sethole, se be se sa bolele bjalo ka wa gagwe . . . ka mokgwa wo a bego a nyaka go kwa se bolela. Gomme se be se fata ka serapeng, gomme se e ja go tšwa serapeng, e be e se sejo sa gagwe. O be a le lepidipidinyana la sekobo magareng ga wona. Sethole se be se tla kekeretša gomme le be le sa se kwišiše. Se be se tla ya ka tsela ye gomme sa ja *se le go ja sela*, o be a sa e kwišiše. Ka fao letšatši le lengwe mami wa gagwe, goba mme, ke ra gore, go lena. Ke . . . Ka Borwa re re “Mami.”

⁸⁵ Ka fao, go le bjalo, le . . . wa—wa—wa gagwe mme o be a tseba gore o bile le mae a mabedi, gomme le letee feela la wona le be le le fao, o ile a ya ka morago ga le lengwe le letee. O ile a dikologa mo gongwe . . . go putlaganya naga, gomme mafelelong a fofela bokagodimo bja serapa. O ile a mmona fase kua a latela sethole sa kgale. O ile a goeleta, “Junior! Ga se wena kgogo, ke wena ntšhu!” Seo se ile sa kwagala gabotse feela go yena. Ka baka la eng? E be e le ntšhu sa mathomo.

⁸⁶ Gomme ge monna goba mosadi a ka dula ka tlase ga dithutotumelo le bja go tonya, bja go iketla bodumedi, ge

a beetšwe go ba morwa wa Modimo, gomme a bona Lentšu la Modimo le rerwa maatleng a Lona, gomme Modimo a Le hlatsela; ke yena ntšhu la mathomo, o tla kitimela go Lona ka nnete bjalo ka ge pedi le pedi e le nne. A ka se kgone go e thuša, ka baka la gore yona tlhago ya gagwe e rata Lentšu la Modimo. Ga ke tshwenyega gore yo mongwe gape o reng, ge a bona Lentšu la Modimo le dirwa go bonagala, o fofela go Lona ka baka la gore e be e le ntšhu ye nnyane.

87 Ge di tšwela pele di bolela, a re, “Mme, ke ya go fihla godimo bjang go tloga fa?”

88 Gomme A re, “E no dira go taboga, ke tla go swara.”

89 Seo ke selo se nnoši o swanetšego go se dira, ke go dira motabogo wo motee ka maoto a gago, motabogo wo motee go Modimo, tshephišo e tee, “Morena Jesu, ke dumela Wena ka pelo ya ka ka moka. Ke dumela Molaetša wa iri. Ke O bone o tiišetšwa, gomme ke a tseba Ke therešo.” Taboga ka maoto a gago, Mme o tla go swara. O seke wa tshwenyega, ke wena ntšhu, o tla be a le thwi fao go tšea.

90 Bjale, re lemoga gore re phela ka nakong ye tona le nako ye kgolo, eupša ge ditherešo tša Beibele ye, badumedi ba bone tšeo di hlatselwa, gona go hlatselwa ga Lona ke bohlatse bja gore Modimo o ka go Lona. Ka go phethagala! Gona ke gore Lentšu le le tshephišitšwego, leo Modimo a le tshephišitšwego, le dirwa go tsebja. Peu e phatlogetše pele, gomme ba a Le bona gomme ba a Le dumela. Ba bangwe ba no se kgone go Le bona, ka mokgwa wo mongwe ba tla dula gomme ba Le lebelela.

91 Le a tseba, ke rerile ka thata go lekanela go—go... putlaganya naga ye, gore ga go a swanela go ba mosadi wa moriri wo mokopana ka nageng. Eupša, nako ye nngwe le ye nngwe, ge ke etla morago, fao go na le ba go fetiša. Molato ke eng? Fao go na le selo se sengwe se fošagetšego! Le a tseba Lentšu le bolela seo! Le re, “Go lokile, seo ga se dire phapano ye e itšego.” Se dira phapano!

92 Fao go na le ngwanešu yo mokaone, o ile a re, “Ke ya go bea diatla godimo ga gago, Ngwanešu Branham. Ke a go rata. O senya bodiredi bja gago.” A re, “Ga o na le taba go botša bona basadi ka seo.” A re, “Dumelela badiša ba se dire.”

93 Ka re, “Ga ba e dire go le bjalo.” Ka re, “Bjale... ”

94 A re, “Go lokile, ga se taba ya gago, o no rapelela balwetši.”

95 Ka re, “Ke taba ya mang, gona? Ke bileditšwe go rera Ebangedi.”

96 A re, “Ke tla bea diatla godimo ga gago gomme ke kgopela Modimo go e tšea go tloga go wena.”

97 Ka re, “O tla ntumelela—ntumelela go bea diatla godimo ga gago, le nna.” Le a bona? Gomme ka re, “Ke tla rapela gore Modimo o tla bula mahlo a gago gomme o tla E bona.” Ka fao, seo ke therešo!

98 A re, “O swanetše go rera... Batho ba go dumela go ba mohlanka, moporofeta wa Modimo.” A re, “O swanetše go ruta bona basadi ka fao—ka fao ba ka hwetšago dimpho tše kgolo le go porofeta le dilo.”

99 Ka re, “Nka kgona bjang go ba ruta aletšipora ge ba sa dumele le ge e ka ba ABC ya bona, pele?” Le a bona? Seo ke therešo. Ka fao o ka se kgone go e dira. Seo se no ba ka go se sengwe... Seo ke therešo. Ge o sa kgone go dira dilo tše di tlwaelegilego, o ya go dira bjang dilo tša semoya? Dilo tša tlhago. Nnete! Ngwanešu, kgaetšedi, e ka no kwagala bjalo ka motlae, eupša Ke Ebangedi! Ke Therešo ya Ebangedi. Seo ke therešo!

100 Elang hloko, re a hwetša lehono gore batho... Fao go na le batho ba bantši bao ba sa kgonego go E dumela, le batho ba ba tladišwego ka Moya. Ke ya go le fa ye tee ye e tlogo go le tšhouka. Kolobetšo ya Moya wo Mokgethwa ga e re gore o a ya go tšena, le ka moka, e sego godimo ga seo, ga se na le selo se se itšego go dira le soulo ya gago. Yeo ke kolobetšo, le a bona. Fa ke bokagare bja soulo, ka *fa*, yeo e swanetše go tla go tšwa go Modimo. Eupša ka gona bokantle o na le dikwi tše tlhano, gomme tše tlhano ntle... ditsejana tša go tšena go ya go ya gago... di kgoma legae la gago la lefase. Bokagare, o na le moya, gomme ka fao o na le tše tlhano ditsejana tša go ya ka ntle: letswalo la gago, le lerato, le go ya pele, ditsejana tše tlhano go tšwela ka ntle ga moya. Elelwa, ka moyeng woo o ka kgona go kolobetšwa ka Moya wa Modimo wa mmapaale gomme wa no lahlega. Ke soulo ye e phelago, yeo e beilwego ke Modimo.

101 A Jesu ga se a ke a re, “Ba bantši ba tla tla go Nna ka letšatši leo, gomme ba re, ‘Morena, a ga se ka ke ka rakela bodiabololo ntle, ka dira ye megolo, ye maatla mediro, ka porofeta, dimpho tše kgolo tša Modimo?’” O rile, “Tlogang go Nna, lena bao ba dirago bokgopo, ga se ka ke ka le tseba. Ba bantši ba tla tla ka letšatši leo.”

102 A Kayafa ga se a ke a porofeta? O be a le diabololo. Re hwetša ntle fao... Le bona baprista, bona banna ba bagolo, ba be ba swanetše go ba baetapele ba bagolo ka go wona matšatši, ka boikokobetšo le se sengwe le se sengwe gape, eupša ba feitše go bona Lentšu la Modimo ka Bolona le dirwa go bonagala pele ga bona.

103 Re ka kgona go tšea sehlopha sa bona ke na le bona ba ngwadilwe fase fa. Go reng ka Biliamo? O be a le... Le re, “Modimo o fetola monagano wa Gagwe.” Yena ga a fetole monagano wa Gagwe!

104 Ge Biliamo a ile ntle bjalo ka moporofeta, gomme a ile tlase fao, pišopo, moreri, eng kapa eng o nyakago go mmitša, e be e le monna yo mogolo. Eupša ge a botšišitše Modimo ka go ya tlase fao le go roga Israele; ga se a ke a ba rata le mathomong. Ka fao ge a kgopetše go ya, Modimo a re, “O seke wa ya!”

105 Ka gona ba rometše mohlomphegi, sehlopha, ba bangwe mohlomong ba dipišopo goba bapotologi, goba selo se sengwe, tlase, ba re, ka thuto ya go fetiša, go mo phegelela. O ile a ya morago gomme a kgopela Modimo gape. Ga wa swanela go botšiša Modimo lekga le bobedi! Ge Modimo a e bolela la mathomo, yeo ke Yona! Ga wa swanelwa go letela selo se se itšego.

106 Rebeka ga se a ke a letela go hwetša taelo ya bobedi. Ba ile ba mmotšiša, ba re, “A o tla ya?”

107 “A a bolele.”

108 O ile a re, “Ke tla ya.” O be a hebeditšwe ke Modimo ka go se šišinyege. O tlile a ba yo mongwe wa bahumagadi ba Beibele ka go dira godimo ga morethetho wa Moya wa Modimo wo o sepetšego godimo ga gagwe go amogela seo e bego e le therešo ka go phethagala, gomme a e dumela.

109 Gomme re a hwetša, Biliamo, go le bjalo, o be a sa kgone go bona. O ile a ya ntle gomme a lebelela godimo ga batho, a re, “Bjale, motsotso feela! Ke rena ba bagolo, batho ba bagolo godimo fa, le no ba sehlopha sa go šwalalana.” Le a bona? “Gomme rena ka moka—re na ka moka re dumela Modimo yo a swanago.”

110 Seo ke therešo. Bona ka moka ba be ba dumela Modimo yo a swanago. Bona ka moka ba be ba direla Jehofa. Lebelelang sehlabelo sa Biliamo: dialetara tše šupa, nomoro ya Modimo ya go phethagala; dikereke tše šupa, le a bona; dikgapa tše šupa, di bolela ka go tla ga Morena. Motheong, o be a no ba wa motheo bjalo ka ge Moshe a be a le; eupša, le a bona, fao go be go se bohlatse bjo Bokgethwa. Ka fao, bona mmogo e be e le baporofeta.

111 Eupša ka fase ga bodiredi bja Moshe, fao go be go le Pilara ya Mollo ya ka godimogatlhago, Seetša se se bego se lekeletše le kampa. Fao go be go le phodišo ye Kgethwa, fao go be go le kgoeletšo ya Kgoši ka kampeng, maswao a magolo, phodišo ye Kgethwa, le dimaka le dilo di be di dirwa magareng ga bona. E be e le leswao la Modimo yo a phelago magareng ga batho ba Gagwe.

112 Motheong, ba be ka moka ba le therešong. Gomme Biliamo o ile a leka go phegelela batho, gomme a ba loela ka go yona. Neng? Feela pele ba fihla Nageng ya Tshephišo. Letšatši le lengwe goba a mabedi, ba be ba le ka Nageng ya Tshephišo.

113 Eupša bjale ke a boifa... Le ke leswao le legolo go le dira, a mangwe a matšatši a ke tla thunyetšwa Lona. Eupša

elelwang se, gore, dikereke di loiwa ke Khantshele ye ya Mohlakanelwa, o le tšeela thwi ka go yona, gore “Le sehlopha se se swanago.” Ga le sehlopha se se swanago! Tšwelang ntle go tšwa magareng ga selo seo gomme le arogane! Ka nnete ke yona, Ke therešo. Re swanetše go ipoloka kgole go tšwa go selo seo, bokgole bjo o ka kgonago go tloga go sona.

114 Biliamo o rile, “Rena re . . . a re dumeleleng bana ba rena ba nyalane mmogo ka baka la gore, ka morago ga ka moka, re dumela Modimo yo a swanago.”

115 “Bobedi bo ka sepela mmogo bjang ntle le ge ba dumellana?” O ka kgona bjang go sepela le Modimo ntle le ge o dumellana le Lentšu la Gagwe? O ka kgona bjang go oketša dithutotumelo le go ya pele go Lona, ge o beetšwe gore o se ke wa e dira, goba, o laetšwe gore o seke wa e dira? O ka se kgone go e dira. Fao ga go tsela ya go e dira, ngwanešu, kgaetšedi. O ka se kgone go hlakanya komelo le go se omele. Oli le meetse di ka se hlakane. Leswiswi le seetša di ka se hlakane. Seetša se na le maatla kudu, se no bea leswiswi ka ntle.

116 Gomme ka fao re ka se kgone go e hlakanya mmogo. Le bile o ka se kgone go hlakanya sebe le lefase mmogo. O ka se kgone go hlakanya Kereke le kereke ya leina mmogo. O ka se kgone go hlakanya Kereke le thutotumelo mmogo. O ka se kgone go hlakanya lefase le Ebangedi mmogo. E ka se hlakane! “Tšwelang ntle go tšwa magareng ga bona, lena aroganang,” go rialo Modimo, “Ke tla le amogela go Nna mong. Le tla ba barwa le barwedi ba Ka, Ke tla ba Modimo go lena.” Re ka se kgone go e dira go fihla dilo tše di bonagatšwa, gomme Lentšu la Modimo la iri le netefatšwa go ba Therešo. Latelang ka dikgatong tša leoto.

117 Pentecost, ke ka baka leo Luther a lahlegetšwego ke molaetša wa gagwe. Ke ka mokgwa woo Wesley a lahlegetšwego ke molaetša wa gagwe. Le a bona, ge nkabe kereke ya Mawesley e ile ya ya pele, nkabe ba ile ba ba Mapentecost. Ge nkabe Maluther ba ile ba ya pele, nkabe ba ile ba ba Mamethodist. Le a bona? Bjale ge Mapentecost ba eya pele, e tla ba Monyalwa. Ge le leketla morago gomme le tšwela pele go ya morago ka lefaseng go swana le ka fao le yago bjale, le tla lahlega! E tla no ba feela mooko, gomme lehlaka le swanetše go tšhungwa. Re tseba seo. O tla kgobela korong ya Gagwe ka sešegong. Gomme megwang O tla e tšhuma ka mollo wo o sa timego, le ge e be e le serwadi. Ka nnete o E rwele. Eupša Bophelo bo a tlogetše ka pela ge bo e ba letlakala, bo ile ka ntle go dira selo se sengwe gape go fihla e etla leemong la yona la go tlala.

118 Gomme ka fao Kereke e tla tla go kgabola Tokafatšo, Tlhwekišo, Kolobetšo ya Moya wo Mokgethwa (pušeletšo ya dimpho), thwi go ya pele ka go seswantšho se se bopegilego sa Kriste. Kriste ke Monyadi, Kereke ke Monyalwa, gomme

Monyalwa ke karolo ya Monyadi. E swanetše go ba Kereke Lentšu, e sego kereke ya leina. E tla ba Kereke Lentšu, Lentšu le le dirilwego go tsebja, gomme ka Lentšu la Modimo le le hlatsetšwego.

119 Biliamo, ga se a ke a kgona go bona phapano. Ba bantši ba ka se kgone.

120 Farao ga se a ke a kgona go Le bona, le ge Le hlatsetšwe thwi pele ga gagwe.

121 Dathane ga se a ke a kgona go Le bona. Dathane o tle ntle fao, gomme a bona Moshe gomme a tseba. O ile ntle fao, a re, “O leka go nagana gore ke wena yo motee o nnoši ka sehlopheng. Phuthego yohle ke ye kgethwa!” Modimo ga se a ke a šoma ka mkgwa woo. O be a swanetše go be a tsebile bokaonekaone go feta seo. Gomme a re, “Go lokile, phuthego yohle ke ye kgethwa. O leka go itira ka bowena. . .” Ge re ka e bolela lehono, boithlhaģišo bja setarata, “Lebje le botsana le nnoši lebopong.”

122 Gomme Moshe o be a tseba gore Modimo o be a mo rometše seo tlase fao. O ile a no re, “Morena. . .” a wela ka go—go tsela ya mojako wa tabarenekele.

123 Gomme Modimo a re, “Ikaroganye ka bowena go tšwa go yena.” Gomme A ba metša.

124 Gomme elelwang, sebe se Israele e se dirilego (ka Biliamo ge a re, “Bona ka moka ba a swana.”), sebe seo ga se sa ke sa lebalelwa Israele. Gomme lebelelang, a ke le feng nomoro ye e gagamatšago; go tšwa go dimilione tše pedi tšeo di tlogilego Egepete, ba babedi ba bona ba tsene ka Nageng ya Tshephišo. Yo mongwe le yo mongwe o jele selo se se swanago, ka moka ba binne ka Moya, ka moka ba bile le selo se sengwe le se sengwe sa go swana; eupša ge go etla go nako ya go aroganywa, Lentšu le dirile karoganyo. Ka fao go bjalo lehono! Lentšu le dirile karoganyo! Ge go etla nako, o rile, “Ka baka la eng, fa, rena re. . .”

125 Ka go batamelana kudu, lebelelang, Beibele e rile, “Matšatšing a mafelelo memoya ye mebedi,” Mateo 24:24, “e tla ba kgauswi kudu, e tla fora le bona Bakgethiwa ge go be go kgonega.” Mooko wola o lebelelega feela tlwa bjalo ka korong, eupša ga se korong. Le a bona? Ga se korong, eupša o lebelelega feela tlwa bjalo ka yona. Le a bona? Go batamela kudu, e ka fora le bona Bakgethiwa. Le dirile kereke ya leina gomme le wetše ka go kereke yeo ya leina, gomme la omella gomme la hwa, gomme korong ya ya pele thwi ntle go kgabola. . . Le a bona? Seo ke therešo tlwa! Ke serwadi, eupša e sego korong.

126 Elelwang, korong e no tšwela pele e eya pele. Ka tsogong ka moka maatla a korong a tla tla thwi godimo ka go korong, ge e eya go dira hlogo, go tla ntle ka go tsogo ye kgolo.

Ga se ba ke ba lebelelwa!

¹²⁷ A re emeng fa nakwana feela. Ke a holofela ga ke le tšhoukele ntle. Eupša, lebelelang, a nke ke le kgopeleng selo se sengwe. A re nong go tšea seo. Re re, mohlala, ye taba e tla ba ya loka. Ge peu go tšwa go tona go ya go tshadi e e tla, ge o kile wa tseba ditšhupu tša teko goba—goba go tswaka le go ya pele ga mohlape, o tla hwetša gore go lokolla go tšwa go tona go bea ntle e ka ba milione wa dipeu. Gomme go lokolla go tšwa go tshadi go bea ntle milione wa mae. Eupša a le be le tseba gore fao go na le letee feela la wona le le nonnego? Wona mamane a manyane, goba eng kapa eng a lego sona, ka go dimilione tše tša dipeu, milione wa dipeu, fao go tla ba ye nnyane yela e tee peu e tla itšhoma ka boyona godimo magareng ga tšona ka moka dipeu gomme ya ya thwi ka kua gomme ya hwetša lee lela le nonnego gomme ya abulela ka go lona, gomme ka moka ga tšona di a hwa. Ye tee ya tšona e beetswe bophelo, tše dingwe ga se tša beelwa, le ge ka moka di swana. Ye tee ka ntle ga milione!

¹²⁸ Go ka reng ge go ka ba ka tsela yeo bošegong bjo? Fao go na le makgolo tlhano a dimilione, go swanetše go ba, ke a nagana, tša Bakriste lefaseng, e ka ba palo yeo, feela palo ya go akaretša. Ge tlhatlogo e ka tla bošegong bjo gona, go ba ba phelago ba e ya, fao go tla ba feela batho ba makgolotlhano. Go lokile, fao go na le ba bantši ba ba timelelago letšatši le lengwe le le lengwe, ka moka bontši, bao ba sa kgonego go hlatselwa. Monyalwa o tla tšeelwa go tloga gomme re tla makala gore ke ka eng ka moka; gomme batho ba e ya thwi ba rera, ba re ba “hwetša se, le *sela*, le se *sengwe*,” gomme lebelelang phoro ye e tla bago yona. E re ge e ka ba yeo; ga ke re ke yona, ga ke tsebe, ga ke na le maatlataolo go seo. Modimo ke Moahlodi wa seo. Eupša lebelelang ka fao e ka kgonago go direga ga bonolo ka gona, ka go ka moka dipalo le dilo, ka fao e ka kgonago go kgonthišwa.

¹²⁹ Ke ka baka la eng Kora a se a bona Seo? Ke ka baka la eng Dathane a se a bona Seo?

¹³⁰ Ke ka baka la eng Ahaba a se a E bona? Ge Ahaba . . . Ge Josefate a ile tlase go Ahaba, o rile, “Ahaba, re bothateng. A o a tseba gore Modimo o re file naga ye, Joshua o e arogantše? O a tseba seripa se sa mobu godimo fa seo Basiria ba se tšerego, a ga se mobu wa rena?”

“Eye!”

¹³¹ “Bana ba rena ba swerwe ke tlala, gomme Basiria (lenaba la rena) ba fepa bana ba bona, ba tlatša dimpa tša bona ka korong ye e bego e swanetše go ba ya rena.” Seo go ya ka mangwalo ke therešo. A re, “A o ka nthuša go ya godimo kua le go tšea yeo?”

¹³² Bjale, nako ye nngwe monna wa go loka ka fase ga khuetšo ya thato ye mpe o a ineela. Bokaonekaone le hlokomele, kereke, hlokomelang sekgauswi ka nnete.

133 Bjale, selo sa pele le a tseba, Josefate, e le monna yo mogolo wa bodumedi, a re, “Go lokile, re swanetše go ya godimo, nnete, go kereke ya rena, ka moka ga rena re batho ba ba swanago.” Eupša ba be ba se batho ba ba swanago! Aowa! A re, “Go lokile, kereke ya rena ke kereke ya lena, batho ba rena ke batho ba lena. Nnete, re tla ya,” a re, “eupša a re botšišeng Morena pele.”

134 Ka fao a re, O Ahaba, “Ntle le go kamaka, re be re swanetše go ba re gopotše seo. Go lokile, re tla...”

135 “A fao go na le moporofeta wa Morena?”

136 A re, “Ke na le siminare se tletše ka bona. Ke na le ba makgolonne tlase fa, ba batee ba kaonekaonekaone bao ba lego gona. Ka moka ga bona ba na le ya bona Ph.D., L.L.D., tša bona tša go menwa gabedi di L.D., le se sengwe le se sengwe gape se se yago le yona. Bona yo mongwe le yo mongwe yo motee...” Bjale elelwang, ba be ba le baporofeta ba *Baheberu*, go tšwa sekolong sa baporofeta.

137 A re, “Ba tlišeng godimo, a re ba kweng.”

138 Bjale, ke a dumela e be e le Tsedekia (hlogo ye kgolo godimo ga pišopo, ka moka ga tšona) a tla godimo fao, gomme o be a na le tšhušumetšo. O be a na le tšhušumetšo, ka go phethagala. A tla godimo, gomme a itiretše dinaka tše pedi tše kgolo tša tšhipi. A re, “Le a tseba, GO RIALO MORENA, ‘O ya go tšea dinaka tše gomme o šušulela Basiria go tokologela ka ntle ga naga.”

139 Go lokile, ka moka ga bona ba ile ba porofeta, “Seo ke therešo tlwa!” Yo mongwe le yo mongwe yo motee wa bona, siminare sohle, ka tumellano. Le a bona?

140 Ahaba a re, “O a bona?”

141 Josefate, e le mohuta wa semoya, le a tseba, ga se ake a omelela ka moka mmogo, a re, “Eupša a fao ga go na le yo mongwe gape yo motee felotsoko, yo re ka kgonago go mmotšiša?”

142 “Ke eng se o nyakago go botšiša ba bang, ge Mohlakanelwa wohle (khantshele yohle), e re, ‘E lokile ka moka?’” (Ntshwareleng, le a bona.) “Selo sohle se rile, ‘Seo ke se re swanetšego go se dira.’” Le a bona? “Seo ke se re swanetšego go se dira.”

143 A re, “Eupša a fao ga go no ba le yo mongwe gape yo motee felotsoko?” Yo motee wa go se tlwaelege, yo le mo tsebago.

144 A re, “Eye, fao o gona. Fao go yo motee, Mika morwa wa Imla, eupša ke mo hloile.” Ka mehla ka tsela yeo. “Ke mo hloile ka baka la gore ka mehla o no kgeretlanyetša batho ba rena ntle, le go nthogaka, gomme o mpotša bobo ka moka ka nna. Ke hloile monna!”

145 A re, “Aha, le seke la lesa kgoši a bolela bjalo.” A re, “Eyang go mo tšea.”

146 Ka fao ba ile godimo fao go morwa wa Imla, ba bangwe ba—ba dipišopo, goba, ba bangwe ba bagolo, gomme ba ya ka kua, ba re, “Bjale, theeletša, a o nyaka go bowa morago go mokgatlo gape? O bolele selo se se swanago se ba se bolelago, ba go tliša morago.”

147 Eupša fao go diregile go ba gore Modimo o be a na le monna yo ba sego ba ke ba kgona go bea diatla tša bona godimo ga gagwe; Modimo o be a na le diatla tša Gagwe godimo ga gagwe. O be a no ba sebonagatši sa Therešo ya Modimo. A re, “Ka nnete,” a re, “Ke tla ya tlase, eupša ke tla bolela feela se Modimo a se beago ka molomong wa ka.” Fao go na le monna wa Modimo. O ile a re, “Mpheng bošego.” Ka fao bošego bja tla, gomme Morena a bolela go moporofeta, yo monnyane yo e sego motho. Gomme selo sa pele le a tseba, o ile a tla ntle mosong wo o latelago.

 Ba re, “Go reng ka yona, Imla?”

148 A re, “Eyang godimo,” a re, “eupša ke bone Israele e šwalalane bjalo ka dinku godimo ga thaba, di se na le modiši.”

149 A re, “Ke le boditše eng! Ke le boditše eng ka yona!” Gomme a re. . .

150 Nako ye pišopo yo mogolo a sepelela godimo a mo phasola ka molomong, a re, “Moya wa Modimo o ile ka tsela efe? Ka baka la gore ke a tseba gore ke bile le Moya; ke binne ka Wona, ke dirile ka moka dilo tše. Le a bona, ke—ke bile le Moya godimo ga ka. O ile ka tsela efe Wona?”

151 Bjale, le a bona, Imla e le morwa wa Modimo, goba moporofeta wa nnete wa Modimo, o ile a hlahlafa pono ya gagwe ka Lentšu. Ge e be e se ka Lentšu, ke phošo. Le a bona? Lentšu la iri yeo, le a bona. Bjale, o boletše se go ya ka mangwalo, naga ke ya bona, naga e be e le ya bona. Go ya ka Mangwalo, se sengwe le se sengwe se be se bonala se le therešo ge e se selo se setee.

152 Elelwang, e be e le Lentšu le letee le la go hlola tlhakanantswiki yohle gore e tle, Efa o ile a se dumele Lentšu la Modimo le letee; ka mathomong a Beibele, Lentšu le letee la hlola bothata. Jesu, a tla bogareng bja Beibele, a re, “Motho o tla phela ka Lentšu le lengwe le le lengwe le le tšwelago ntle go tšwa molomong wa Modimo.” Ka mafelelong a Beibele, o rile, “Mang le mang yo a ka ntšhetšago Lentšu le letee ntle goba a oketša lentšu le letee go Lona.”

153 Ga se karolo ya Ebangedi. . . Mamethodist ba na le karolo, Mabaptist, Mapresbyterian, le go ya pele, ba bile le karolo ya Lona, Makatoliki ba bile le karolo ya Lona, Hlatse ya Jehofa, ka moka bohle ba bona.

154 Eupša Ke Lentšu lohle, Lentšu ka moka, Lentšu la iri; leo le bolelago. Gomme re ka se tsoge ra le dira go fihla Modimo a

tlotša moporofeta yo a ka kgonago go ema gomme a Le bolela, gomme a Le tiišetša, gomme a Le kgonthiša gore Ke therešo. Le tla thelela thwi go kgabola batho, ba ka se tsoge ba Le tseba, go no swana le ge ka mehla go bile bjalo.

¹⁵⁵ Lena Katoliki, bjalo ka Joan of Arc, le mo tšhumile diripane go ba moloi; morago la epolla yona mebele ya baprista, mengwaga ye makgolopedi ka morago, gomme la e lahlela ka nokeng. Le be le sa tsebe Mokgethwa Patrick le ka moka ba bangwe.

¹⁵⁶ E tla ya thwi go kgabola diatla tša lena gape, selo sa pele le a tseba. Modimo o tla e dira, gomme le ka se tsoge la tseba gore e dirilwe. Le a bona, O no ngwega thwi go kgabola gomme a hwetša Monyalwa wa Gagwe gomme A mo tšeela thwi godimo, gomme a Mo utswetša go tloga, thwi go tšwa magareng ga batho.

¹⁵⁷ Re a hwetša ntle, Mika yo monnyane o rile o ile a hlahlofa, o be a tseba gore Modimo o be a boletše, ka moporofeta wa nnete pele ga gagwe. Moporofeta pele ga gagwe, na o boletše eng? O boletše se, o rile, “Ahaba, ka baka la gore o tšholotše a go loka, goba madi a Nabote wa go loka, dimpša di tla latswa madi a gago le wena, le Jesebele.” Gomme seo ke tlwa feela, se be se swanetše go tla go phethagala ka baka la gore Modimo o be a se boletše. Moporofeta yoo o be a ka porofeta bjang botse ge e be e le bobbe kgahlanong le bjona?

¹⁵⁸ Nka kgona bjang go botša Lebaka le la Kereke ya Laodikia dilo tše botse ge Modimo a boletše kgahlanong le lona? O a ponoka, o a šokiša! O re, “Ke humile, ke na le bokaonekaone...Ke na le dikereke bjalo ka Methodist, le Baptist, le Presbyterian. Ke na le *se*, ke na le *sela*; se se kaonekaonekaone *se, sela*, le se *sengwe*.” Seo ke therešo, eupša ga o tsebe gore o a ponoka, o sefofu, o a šokiša, go selo sa nnete Modimo a se bonagatša. Se tla ya thwi go go kgabola, ka mokgwa woo, sa sepelela thwi ntle. Le a bona? Dumelang, batho, pele go e ba llata kudu.

¹⁵⁹ Bjale, re hwetša gore o ile a mo itia ka molomong, gomme a re, “Ke tsela efe Moya wa Modimo...?”

¹⁶⁰ Mika a re, “Ke bone Modimo a dutše go Terone. Gomme ka moka... O ile a bitša baemedi ba Legodimo, a re, ‘Ke mang yo re ka mo hwetšago a ya fase gomme a fora Ahaba?’” A re, “Gomme moya wo motee wa maaka o ile wa tla godimo wa wela pele ga Modimo; moaketši.” Gomme elelwang, moya wo wa maaka o ile wa tsena ka gare ga baporofeta bao, ba be ba swanetše go ba ba tsebile nako yeo gore moya o be o le godimo ga bona o be o se go ya ka Lentšu. Gomme ba be ba rwaletšwe kgole kudu ka baka la gore ba be ba le baporofeta ba kgoši, ka baka la gore ba be ba na le selo se sengwe le se sengwe bokaone.

¹⁶¹ Gomme seo ke se kereke e se dirilego lehono. Le ile kgole go tloga go bjola bja fešene ya kgale boitemogelo le bilego le

bjona mengwaga ya go feta ge le be le eme khoneng ya seterata gomme le rera Ebangedi. Tšwelang ka ntle ga mekgatlo yeo gomme le ipitše ka bolena “batho ba ba lokologilego!” Aowa! ka baka la gore le phuthetšwe ka go wona gape, bjalo ka kolobe e boetše lerageng la yona goba mpša mahlatšeng a yona. Ge se mo dirile gore a hlatše nako ya pele, se tla mo dira gore a hlatše gape. Seo ke therešo! Modimo o le tshwa go tšwa molomong wa Gagwe, O rile, “Le ba bololo, ga le fiše goba go tonya”; le ba le dikopano di se kae, gomme la bapala o se kae, mmino, gomme—gomme la opela gannyane, ge, ke ka go phethagala. . . ka moka kudu e tla go ba nyefolo go Bokriste.

¹⁶² Morwa wa ka o mpileditše kua letšatši le lengwe go thelebišene, e be e swanetše go ba nosi ye e opelago fao batho ba tlogo. Sehlopha sa bo Ricky ba bannyane se eme fao, ba itšokotša bjalo ka morethetho dikologa wo, gomme ba opela tšona dipina, ke nyefolo go Jesu Kriste! Ga go sa na le bokgethwa ka kerekeng ka moka. Go bonagala o ka re ka moka e tlile ya ba selo se sengwe sa morethetho dikologa, le taetšo ya fešene, go na le go ba Kereke ya Modimo yo a phelago fao Jesu Kriste a ka kgonago go iponatša ka Boyena ka maatla. Go bonala go nna, fao go na le selo se sengwe se se fošagetšego felotsoko. Ba a ngwega. Gomme Beibele e rile go tla ba ka tsela yeo. Le a bona? Lebelelang fao le lego gona. Hlokomelang, tsoang pele go e ba llata kudu.

¹⁶³ Bjale re a hwetša, O rile, “Ke mang yo re ka mo hwetšago gore a ye ntle kua gomme a fore Ahaba, go mo iša godimo kua go phethagatša mantšu a moporofeta yola?” Le a bona, ge moporofeta a boletše Lentšu, magodimo le lefase di tla feta go tloga eupša Le ka se kgone go feila. Le swanetše go tla go phethagala. Ka fao seo ke se, se swanetšego go direga.

¹⁶⁴ O rile, “Beang monna yo ka kgolegong ya ka garegare, mo fepeng ka borotho bja mahloko le meetse a mahloko. Ge ke bowa ka khutšo, ke tla mo hlokomela.”

¹⁶⁵ Mika o ile a ema fao a sa šišinyege, a tseba gore o be a na le Moya wa Modimo. Seporofeto sa gagwe, dipono tša gagwe di be di nepagetše. Molaetša wa gagwe o be o nepagetše, ka baka la gore E be e le GO RIALO MORENA go tšwa diponong, GO RIALO MORENA go tšwa Lentšung. O be o swanetše go ba wo o nepagetšego, e be e le GO RIALO MORENA. O rile, “Ge o ka bowa ka moka, Modimo ga se a ke a bolela le nna.” Gomme le a tseba se se diregilego. Le a bona, le . . .

¹⁶⁶ Kwišiša, ngwanešu. Theeletša.

¹⁶⁷ Ka nnete, Kayafa, ga se a ke a kgona go Le bona. Ke ka baka la eng a se a ke a lebelela fase. . . ? O be a le—o be a le pišopo, o be a le mopapa wa dikereke ka moka mmogo. Ke ka baka la eng monna yola a se a ke a kgona go bona Jesu a eme fao? Ke ka baka la eng a se a ke a kgona go kwišiša? Ge ba be

ba opela ya 23 Psalme, ya 22 Psalme, ke ra gore, ka kerekeng, gomme, “Modimo wa Ka, Modimo wa Ka, ka baka la eng O Ntlogetše?” gomme fao O lekeletše godimo ga sefapano. Wona Mangwalo ao, yena Modimo yoo yo ba bego ba mo direla, ba be ba Mo ahlola gomme ba Mmolaela go ba “lehlanya.” Seo fao.

168 E tla le tšhoša ge nka le botša gore seo se kgauswi le go boeletša gape. Beibele e boletše gore O be a le ka ntle a leka go kokota go tsena ka gare, gomme ga go yo motee a Mo dumelelago go tsena, “Yo Ke mo ratago Ke a mo eletša le go mo sola, Ke a mo omanya, Ke mo šišinyetša fase, eupša ke ka baka la gore Ke a mo rata. Bula gomme o Ntumelele go tla ka gare.” Ya. Go ka se kgone... “Elelwang, Ke be ke sa nyake go tsena ka gare ga kereke; ke *yena*, motho ka noši.” O be a sa kgone go tsena ka gare ga kereke, o be a Mo notleletše ka ntle. Feela...ka gona, mokgatlo o nnoši go ka moka ga yona, ke lebaka le la kereke, fao A lego ka ntle ga kereke. O beilwe ka ntle! O gannwe! O lahlilwe! Ka baka la gore...O bonagaditšwe lebakanyana feela ka go dikereke tše dingwe, ka sebopego sa tokafatšo, le go ya pele; eupša ka fa, lebaka le le tlogo bjale, ke ponagatšo ya go tlala ya go hlatselwa ga Jesu Kriste wa go swana maabane, lehonon, le ka gosafelego. Oo, ke tla amogela gore re na le baekiši ba bantši, eupša hlahlofa ya pele, ya setlogo.

169 Moshe o ile tlase ka ditaelo tša Modimo, go lokolla Israele; gomme ge a dirile, o dirile mehlolo. Baekiši ba ile ba mo latela. Ge nkabe ba bile pele, nkabe a bile moekiši. Le a bona, o be a na le Lentšu la Morena, gomme Morena o le hlatsetše; o ile a no dula a iketla.

170 Gomme, le a tseba, gore selo se se swanago se tshephišitšwe ka matšatšing a mafelelo? “Bjalo ka ge Jamboro le Janes ba eme kgahlanong le Moshe, ka fao le banna ba ba monagano wa go senyega mabapi le Therešo ba tla dira.” Gomme ge mokgatlo o boloka...o tšea monna tlase thwi go kgabola mokgatlo woo, o be o laetša gore o be o sa tle go tšwa go Modimo; ka baka la gore, Modimo o dira dilo tšeo di tla gogago monagano wa batho, gomme ka gona Molaetša o tla e latela. Ge e se yona, gona ga se Modimo. Ga se Modimo! Modimo ka mehla o dira seo.

171 Judase a se a ke a kgona go Le kwišiša. O sepetše thwi le Yena, ga se a ke a Le bona.

172 Eupša ya nnete, ye e beilwego ke Modimo, yeo ya nnete tšene, yeo ya nnete peu, soulo ya Modimo yeo e bego e le ka go Modimo pele ga go thewa ga lefase; elelwang, lena bao le nago le Moya wa Modimo ka go lena bošegong bjo, le be le le fa ka go Kriste ka baka la gore O be a le botlalo bja Lentšu. O be a le botlalo bja Bomodimo ka lebopo la mmele. Modimo o be a le ka go Kriste, a boelanya lefase go Yenamong. A le dumela seo? Lebelelang, O be a le ka go Kriste. Ka gona ge o be o le ka go Modimo, tšene, lentšu, kgopolo go tloga mathomong, gona

o sepetše le Yena mo lefaseng, o boletše le Yena mo lefaseng, o tlaišegile le Yena mo lefaseng, o hwile le Yena Khalibari, gomme o tsogile gape le Yena; gomme bjale o dutše go mafelo a magodimo ka go Kriste Jesu, o boledišane le Yena (Lentšu) ge Le fepa ka soulong ya gago, gore, “Motho o tla phela ka Lentšu le lengwe le le lengwe le le tšwelego.”

¹⁷³ E sego lentšu la Methodist, lentšu la Baptist; elelwang, ge go be go le molatša wo o itšego ka go sehlabelo, o swanetše go tšhungwa pele ga moso, ka baka la gore bosasa ke lebaka le lengwe la kereke. A seo ke therešo? Ekisodo, Ke therešo. Sešupa, seswantšho sa Sehlabelo.

¹⁷⁴ Mojako. A rile, “Ke tla dira lefelo le letee. Le seke. . . Le ka seke la Ntirela mojakong wo mongwe le wo mongwe wo Ke le filego wona; eupša fao go na le Mojako wo motee, gomme ka Mojakong woo Ke tla bea Leina la Ka.” Gomme fao Morena a beago Leina la Gagwe, leo ke lefelo leo Modimo a tlogo go amogela sehlabelo sa gago. Re dirile mehuta ka moka ya mejako, eupša Modimo o dirile Mojako. Modimo o dirile Mojako, gomme Mojako woo e be e le. . . Mokgethwa Johane ya 10 tema, Jesu o rile, “Ke nna Mojako woo.”

¹⁷⁵ Modimo o beile Leina la Gagwe ka go Jesu. A le dumela seo? O be a le Morwa wa Modimo. Morwa yo mongwe le yo mongwe o tla leineng la tatagwe. O rile, “Ke tla Leineng la Tate wa Ka, ga le Nkamogele.” Ke tla leineng la tate wa ka, o tla leineng la tatago. Jesu o tlile Leineng la Tate wa Gagwe, ka fao Leina la Tate wa Gagwe ke Jesu; tlwa, ka baka la gore O tlile Leineng la Tate wa Gagwe.

¹⁷⁶ “Gomme ga le Nkamogele. Yo mongwe o tla tla, gomme yena le tla mo amogela.” Le tla tšea dikereke tša lena tša maina gomme la ya pele le tšona. E nong go ya pele, Beibele e rile, “Ba tsošeditšwe godimo go tla go phethagatša lefelo le. Ba foufetše, ba a ponoka, gomme ga ba e tsebe.” Kereke, bodumedi, oo, ba borapedi kudu, go no swana le ka fao Kaine a bego a le ka gona; a dira sehlabelo, a dira selo se sengwe le se sengwe go swana le ka fao Abele a bego a dira. Eupša ka kutollo go ile gwa utollwa go yena seo tirelo e bego e le sona, e sego dikenywa tša tšhemo le selo se sengwe se o se dirago ka seatla sa gago.

¹⁷⁷ Modumedi o kgona go bona Lentšu le dirilwe nama; ba bangwe ga ba kgone go le dira.

¹⁷⁸ Ka moka ga bona Baisraele, ka morago ga ge ba bone Moshe a dira seo gomme a ba tlišitše thwi godimo go khantshele ye kgolo, fao e bego e tla swarwa, yo mongwe le yo mongwe yo motee wa bona o rile, “Re tla ya le Biliamo, ka baka la gore re nagana gore Ngak. Biliamo o a rereša. Ke yo mokaonekaone, o rutegile go feta, selo se sengwe le se sengwe, ka fao re tla no se tšea.”

179 Gomme Modimo ga se a ke a tsoge a ba lebalela, O ile a ba fediša thwi fao lešokeng. Gomme Jesu o rile, ka Boyena, “Ba ka se tsoge ba tla, ga go le yo motee wa bona a phološitšwego.” Jesu o rile. . .

180 Ba rile, “Botate ba rena ba jele manna ka lešokeng mengwaga ye masomenne.”

181 A re, “Ba hwile yo mongwe le yo mongwe, ka Gosafelego ba arogane le Modimo. Ba hwile yo mongwe le yo mongwe.” Ka nnete! Ka baka la gore ba theeditše phošo. Ge Moshe, sehlatsetse ke Modimo, le moetapele go ba laetša tsela ya go ya nageng ya tshepišo, gomme ba tlile bokgole bjo ka moka gabotse, eupša ka gona ga se ba ke ba eya pele le yena.

182 Bjale, badumedi ba kgona go Le bona, eupša ba ba sa dumelego ga ba kgone go bona Leo ge le hlatselwa.

183 Lebelelang ka fao Kayafa yo mokgethwa a bego a le ka gona. Lebelelang ka fao ka moka baprista ka fao ba bego ba le ba bakgethwa ka gona. Gomme Jesu a retologa go dikologa, a re, “Ke lena ba tatago lena diabololo, gomme mediro ya gagwe le tla e dira.”

184 Eupša fao go be go le badumedi ba e sego ba bakae ba dutše fao. A le nagana gore bona barutiwa ba ka be ba ile ba kwišiša ge Jesu a rile, “Nna le Tate wa Ka re ba batee”? Ba be ba ka se kgone go E hlatholla. Ge A rile, “Ntle le ge le ka ja nama ya Morwa wa motho, la nwa Madi a Gagwe, ga le na le Bophelo.” A ba be ba ka kgona go E hlatholla? Aowa. Eupša ba ile ba E dumela, ka baka la gore ba bone Modimo a hlatselwa gomme a dirilwe nama.

185 Jesu o rile, “Ge Ke sa dire mediro ya Tate wa Ka, gona le seke la Ntumela. Eupša ge Ke dira mediro ya Tate wa Ka, Lentšu le le Mpoleletšegopele go e dira, gona le. . . Ge le sa kgone go Ntumela, dumelang mediro ye Ke e dirago, gore le kgone go phološwa.” Le a bona? Jesu o rile, “Dinku tša Ka di tseba Lentšu la Ka. Di tseba Lentšu la Ka, di a Le bona ge Le hlatsetšwa lebakeng leo.”

186 “Go lokile, Kayafa o be a tseba Lentšu le yena!” Eupša e sego Lentšu la lebaka *leo*. O be a na le lentšu la se Bafarasei ba bego ba se kgoromeleditše ka go yena, eupša e sego Lentšu le le hlatsetšwego la iri.

187 “Di tseba Lentšu la Ka, di tseba leswao la Ka, di tseba semaka sa Ka.” Ka fao bjale, go. . .

188 Oo, a re yeng morago go temathero ya rena, ka baka la gore re no ya go foša bontši bja Lengwalo le ge re sa, ka baka la gore ke swanetše go tswalela metsotso e se mekae go le bjalo, ka baka la gore e ya go ba iri ya lesome metsotsong e se mekae. Ke a Mo rata.

189 Bagwera, lena batho ba le sepelago go theoga mokgoba wola gomme le beilego moneelo wola ka fao lebaka le se kae

la go feta; batho ba ba go fepa bana ba ka, ba bea diaparo godimo ga magetla a bona; batho ba ba beilego tšhelete ya bona (ye le e hwetšago ka bothata) ka porotong ya moneelo, a le tseba fao yeo e yago gona? Yeo e thuša go ntšea go nkiša mošwamawatlle go bahetene ba ba sego ba ke ba kwa selo ka Modimo. Seo ke se ke se dirago ka yona, pene ye nngwe le ye nngwe, Modimo ke Moahlodi wa ka. Šeba ba bangwe ba ka. . . monna o dutše thwi fa bjale yo a lego ka go—ka sekhwameng sa kereke ya ka. Ke hwetša leggolo le letsee la dolara ka beke, gomme leo ke ka moka; ya yona ka moka e ya go thekga dikopano tša mošwamawatlle fao ba ka se kgonego go tla.

¹⁹⁰ Dikereke di ka se ke tša ba le nna. Ga di nnyake. Aowa. Seo ke therešo! Bjale ba mpitša: “Ke. . .” Ba re, “Ke ‘Jesu a Nnoši,’ goba selo se sengwe go swana le seo, goba lešilo tsoko, lehlanya, le ka moka ka mokgwa woo, ke—ke Jesebele.” Gomme ke—ke lebeletše seo, ba beditše Morena wa ka, “Jesebele,” gomme ba Mmeditše. . . e sego Jesebele, eupša “Beletsebubu.” Ba Mmeditše ka moka maina ao a mabe. “Ge ba biditše Morena wa ngwako, ‘Beletsebubu,’ ke ga kakang go fetiša ba tlogo go ba bitša bona barutiwa ba Gagwe?” Ka fao seo ga se dire phapano ye e itšego.

¹⁹¹ Gomme lena ka bolena, ka thušo ya Modimo, le nagana gore ke tla ema fa, moikaketši yo mogolo, gomme ke le botše selo se sengwe. . . ? Goba, a ke be nka se wele thwi ka mothalong le selo ge ke be ke gopola gore se be se etšwa go Modimo?

¹⁹² Eupša ge ke le rata gomme ke tseba gore Therešo ke eng. . . A le kile la nkwa ke bolela eng kapa eng Leineng la Morena ge e se se se tlogo go phethega? Aowa. Ke botšiša yo mongwe le yo mongwe. Fao go na le dikete tše tša dilo tše di boletšwego, ka moka di tlile tša phethega. Ellelwang nako yela ge Samuele a biletšwa ntle, ke a dumela e be e le, gomme o rile. . . ? Israele ba be ba nyaka go itira ka bobona beng bjalo ka ditšhaba tše dingwe. Seo ke se lena Mapentecost le tlogo go sona. Le nyaka go dira bjalo ka ka moka batho bohle. Ga se lena mohuta wa bona batho bao. Eyang kgole go tloga go yena. Dikereke tše kgolo le dilo tše kgolo tše kaone, O ngwanešu, o seke wa dira seo. Re rera go tla ga Morena go kgauswi, a re yeng mašemong tlase kua gomme re tsebišeng bahetene. Le a bona, dirang se sengwe ka gona.

¹⁹³ Eupša, le a bona, Samuele o rile, “A nako ye tee nkile ka tšea ye nngwe ya tšhelete ya lena go tšwa go lena bophelong bja ka?”

¹⁹⁴ Ba ile ba re, “Aowa, Samuele, ga se wa ke wa dira seo.”

¹⁹⁵ A re, “A nkile ka le botša eng kapa eng Leineng la Morena ge e se sa go phethega?”

¹⁹⁶ “Oo, seo ke therešo, Samuele. Re a dumela gore o moporofeta yo a romilwego go tšwa go Modimo. Eye, mohlomphegi. Selo se sengwe le se sengwe se o se boletšwego

se tla go phethego, Samuele. Eupša re a e nyaka le ge go le bjalo.” Le bona se se diregilego. O ngwanešu, Lengwalo le no tšwela pele le ipoeletša ka Bolona morago le pele go kgabola Lengwalo, ka baka la gore ke tsela ya Modimo go e dira, le a bona. Le a bona, le thula mohuta woo wa dinako.

197 A re yeng go temathero ya rena thwi ka pela. Bjale, ke be ka moka nako ye, gomme ga se ka tla go temathero le bjale.

198 E pelong ya ka! Ke a le rata! Le seke la senyega le lefase! Ge le le ba lefase, le tla senyega le lefase. Ge le le ba Modimo, le tla ya le Yena ka tsogong. Ka fao fetolang tlhago ya lena bošego bjo go tšwa go lerato la lefase le dilo tša lefase, le ka moka dithutotayo tše le dilo tša lefase, gomme le lebelele thwi Khalibari go Sehlabelo sa lena; kopanang le Yena fao godimo ga wona mabu, ka gore ke lefelo le nnoši A ka tsogago a kopana le lena. O . . .

199 Mamethodist ba re, “Le ka kerekeng ya rena”; Mabaptist ba re, le Mapentecost, le se, le Mapresbyterian, le se.

200 Eupša O rile, “Ke tla kopana le bona ka lefelong le tee, Lefelo le Ke beilego Leina la Ka.” Leo ke ka go Jesu Kriste. Fao ke mo Modimo a beilego Leina la Gagwe. Leo ke lefelo le nnoši A tla kopanago le lena; gomme ke Kriste, ke Lentšu, yo a swanago maabane. . . E godile go tloga maotong, dirope. Gomme bjale e ka hlogong, e lokišetša go tloga; e bonagatša ka kelo ya go tlala Monyalwa, go swana le Monyadi.

201 Bjale a re yeng go temathero ya rena, thwi ka pela, lebaka le e ka bago metsotsa ye lesome, gomme re tla tswalela. Bjale temathero ya rena, rena ka moka re ka nyaka go e gopodišiša. E diregile gape, bjalo ka temathero ya rena, bjalo ka ge e diregile ka mehla.

202 Modimo o romile moporofeta wa Gagwe bjalo ka ge A . . . Lentšu le tshephišitše ka Maleaki 3, “Motseta yo Ke tla mo romago pele ga sefahlego sa Ka go eta pele go tla ga Gagwe.”

203 Bjale ge le nyaka go hlatsela seo, go se kgonthiša; Mateo, ya 11 tema, e hlatsela se se swanago. Ge barutiwa ba Johane ba e tla ka kua gomme ba bone Jesu, ba rile, “Johane o ka kgolegong.” Ba rile, “Re tlile go Go botšiša ge eba o . . .”

204 Leihlo la Johane la ntšhu le be le pipilwe godimo. Gomme o be a le ka kgolegong, o be a lokišetša go hwa; a re, “Eyang go Mmotšiša.”

205 Le a bona, Johane o rile, “Oo, leselo la Gagwe le ka seatleng sa Gagwe, O tla swiela sebowa sa Gagwe sekgonkgothela.” O be a gopola gore Miliniamo o be o tla thoma thwi nako yeo, o be a gopola gore thoro e be e loketše. Eupša e be e swanetše go hwa gomme e ye go lehlaka, e tle godimo gape go dira Monyalwa wa therešo. Ka fao o rile, “O tla kgobela korong ya Gagwe ka sešegong, gomme O tla tšhuma, mollo.” Hlokomela yola—yola moetapele wa Kriste ka lebakeng *leo*, se a boletšego se be se tla direga. “Thoro . . .”

206 Gomme ke a holofela gore ga se la robala. Thoro e fa! E tla kgobelwa ka sešegong. E be e le Monyalwa yeo, karolo yeo ya yona. Eupša a O boletše gore go tla direga eng ka lehlaka? Le tla tšhungwa ka mollo wo o sa timego. Nyakang phološo bjale ge le sa kgona. Ebang thoro, e sego lehlaka. Le a bona? Eyang ka Bophelong, e sego seemo sa kgale sa go hwa; eyang ka Bophelong bja Kriste, Lentšu le le dirilwego go bonagala, le . . . le dirilwe go bonagala le go hlatselwa bjalo. Ye ke—ye ke nako ya go kgobela, go kopana go a tla. Bokaonekaone tsenang ka thorong, ka baka la gore mooko o ya go tlogelwa morago.

207 Bjale, re hwetša gore e diregile, Jesu. . . Go fetša setsopola sa ka fa, ye Mateo 11. Le a bona, Yena ga se a fa Johane. . . O re, “Bjale, emang, Ke tla fa Johane puku ye gore a ka itshwara bjang ka boyena, *Modumedi Ka Kgolegong*.” Aowa! O rile, “Emang go dikologa gomme le bogeleng se se diregago. Eyang morago gomme le laetše Johane se se diregago: digole di a sepela, difofu di a bona, bahu ba a tsoga, gomme Ebangedi e rerelwa bahloki.” Feela tlwa se moporofeta a boletšego gore se tla tla go phethega. “Gomme yo a šegofadišwego ke wena yo a sa kgopšego ka Nna.”

208 Gomme baruwiwa ba gagwe ba thoma go ya go putla thaba, O ile a retologa, a re, “Le be le ile ntle go bona eng ge le be le e ya go bona Johane? A le be le e ya go bona monna yo a hlokomelago a le ka diaparong tše boleta, le go ya pele, ka dikholoro tše di retologetše go dikologa, le ka moka se, le a tseba?” A re, “Ba ka dipaleising tša magoši, ba khisa masea gomme ba boloka bahu, ga a tsebe mokgwa wa go swara tšhoša ya maswaro-mabedi.” Le a bona? O rile, “Le be le e ya go bona eng? Le—lehlaka le le šišinywago ke phefo ye nngwe le ye nngwe?” (“Etle pele, Johane, ke tla go fa tšhelete ye e oketšegilego ge o ka tla godimo fa.” “Go lokile, šegofatsang Modimo, ga ke sale Momethodist gape, ke tla ba Mopentecost, ke tla ba Mopresbyterian, ke tla ba se, seo, ge feela fao go na le tšhelete ye ntši.”) A re, “Ga se la ke le e ya go bona lehlaka le šišinywa ke phefo.” A re, “Le be le e ya go bona eng fao, moporofeta?” A re, “Eye, le yo a fetago moporofeta.”

209 Johane o be a sa tšwa go lefa tumišo ya bodiididididididi a bego a e kgona go Jesu. A tseba gore e be e swanetše go tla ka tsela yeo; o Mmotšišitše ka morago ga ge a Mo tsebišitše gomme a bone Leswao lela ka godimo ga Gagwe, a re, “Yo ke Mesia,” ka gona o a tla gomme o a botšiša, “A ke wena Yena, goba re sa lebeletše yo mongwe yo motee?”

210 Eupša, lebelelang, Jesu o tseba seo, O ile a retologa gomme a mo fa tumišo, a re, “Le be le ile go bona eng, lehlaka le le šišingwago ke phefo?” A re, “Fao ga se gwa ke gwa ba motho wa go tswalwa ke mosadi yo e lego yo mogolo bjalo ka Johane, go fihla letšatši le.” Yeo ke therešo! A theto ye e lefšago monna!

211 Eupša, le a bona, e be e le fao, seporofeto se phethagaditšwe pele ga sefahlego sa bona, ka moeteledipele a e tla, tlwa se Maleaki a se boletšego. Bjale, yeo ke Maleaki 3, e sego Maleaki 4.

212 Johane Mokolobetsi e be e le Maleaki 3, Jesu o boletše bjalo. Ge ba Mmotšišitše, ba rile, “Ke ka baka la eng bamangwalo ba re...”

O rile, “O šetše a tlile. Ba dirile se ba se boletšego.”

213 Eupša, elelwang, Maleaki 4, ka pela ka morago ga moporofeta wa Maleaki 4, go tla la bone ga Johane Mokolobetsi ka go...goba...ga Eliya. Go tla la bohlanog tla ba Kutollo 2, dihlatse, ge a tlela mašalela a Bajuda. Eupša Modimo o šomišitše Moya wo o swanago makga a matlhano: mogau, J-e-s-u, ka moka e bile Jesu nako ka moka; t-u-m-e-l-o, m-o-g-a-u, le go ya pele. Le a bona? Nomoro tlhano ke nomoro ya mogau gomme O e šomišitše. Ga a šomiša tharo feela, ga a šomiša pedi feela, tharo, nne. Ke ga hlano o A o šomiša.

214 Bjale, ela hloko ka pela bjale, ge re fetša. O rile, “Yo ke yena yo a boletšwego, ‘Ke roma motseta wa Ka pele ga sefahlego sa Ka.’”

215 Eupša ka go Maleaki 4, ka pela ka morago ga ge moporofeta *yoo* a porofitile, lefase lohle le swanetše go tšhungwa go fela, gomme baloki ba sepelela ntle godimo ga melora ya ba babe. Le a bona? Tlwa! Le a bona, seo ke seporofeto sa Maleaki 4.

216 Gomme elang hloko ka go Luka 17, fao A rilego, “Ka matšatši a mafelelo, go tla ba bjalo ka Sodoma le Gomora gape.” A re na le yona? A re na le Sodoma le Gomora gape? Ditšhaba tšohle, e lebelle. Lebelelang se a sa tšwago go se bolela ka England, selo sohle se fapošitšwe. Le dijo di fapošitšwe. Gomme lebelelang seo saentshe...Le bona ka go *Reader’s Digest*, ke a dumela ke kgwedi ya go feta, ba rile, “Bašemane le basetsana ba bannyane ba ya go kgabola mengwaga ya magareng magareng ga masomepedi le masomepeditlhano a mengwaga ka bokgale.” Ke kopane le bona ka kopanong, basetsana ba bannyane ba le ka go menophose, gomme masomepedi, masomepedipedi a mengwaga ka bokgale, ka go menophose. E abetšwe eng? Phapošo, motswako. Seo ke tlwa se se senyago, selo sohle ke tshenyego ya mmele. Ga se rena selo eupša tlhakanantswiki ya—ya...go no swana le semela sa motswako.

217 Wena tšea semela sa motswako o se bee ntle fao, twatši ye nngwe le ye nngwe e tla kitimela thwi go sona. Eupša sa mmapaale, sa setlogo semela, twatši e tla tloga go sona, e ka se kgone go ema godimo ga sona. Gomme seo ke se e lego bothata ka kereke, re e tswakile.

218 Seo ke se e lego bothata ka pere ya kgale ya Peary Green godimo fao, gomme e fošitše mošemane yola letšatši le lengwe, ga se selo eupša pere ya kotara ya kgale. Le a bona? Selo

se nnoši e lego sona, o...E no ba bjalo ka mmoula, e—e... moula ga o tsebe gore tatago wona goba mmago wona ke mang, ga o tsebe selo; ke karolo ya mmoula le karolo ya pere, gomme karolo ya *ye* le tonki; ga o tsebe se o lego sona. O ka se kgone...O tla leta ka moka bophelo bja wona go go raga. Seo ke therešo! O ka kgona go o bitša, wa re, “Etla pele, mošemane. Etla pele, mošemane.” O tla swarela ditsebe tša wona godimo, gomme, “Haw! Haw! Haw!” Le a bona!

219 Bjalo ka tše dingwe tša tše di rego “Matšatši a mehlolo a fetile, Haw! Haw! Haw!” ye metswako-seripa, ba be ba swanetše go ba maloko a kereke le Bakriste. Ga ke bolele seo go ba motlae, eupša ke Therešo. Eupša wa mmapaale, motswakotswako, ngwanešu, o tseba gore tatagwe e be e le mang, mmagwe e be e le mang, tatagwemogolo, mmagwemogolo e be e le mang, o ka mo ruta selo se sengwe, ke yo boleta.

220 Gomme wa mmapaale Mokriste yo a tswetšwego ke Moya wo Mokgethwa gomme a tladitšwe ka maatla a Modimo le Lentšu, o a tseba gore tatagwe ke mang, mmagwe ke mang, tatagwemogolo, mmagwemogolo e be e le mang, o tseba ka moka ka Lona. O ka kgona go mo ruta selo se sengwe.

221 Eupša motswako-seripa, ke woo o tlogo go dikereke. Motswako magareng ga lefase le mekgatlo ya bodumedi, le go bea Lentšu le lennyane ka *fa*, Lentšu le lennyane *fao*, go no lekanela go fora. Seo ke therešo. Ge o bona Lentšu la nnete la Modimo le bonagatšwa bjalo ka ge Kayafa le bona ba dirile, ba retologa go tloga go tšwa go Lona, ga ba tsebe. Motswako!

222 Bjale re a hwetša, gomme ka molaetšeng wo, Jesaya 40:3 le yona e hlatsela Johane. O rile, “Lentšu la yo motee, moporofeta, le goelela ka lešokeng, ‘Lokišang tsela ya Morena, dirang mmila wa Gagwe gore o otlologe.’” Kereke ga se ya ke e mo dumela, ka baka la gore o be a se wa sehlopha sa bona. Moporofeta yoo o be a tsošitšwe ka ntle ga lešoka, a tla godimo a sa tsebe yo motee. O be a na le wona Moya wo Eliya a bego a na le wona godimo ga gagwe: o be a le monna wa lešoka, o be a hloile basadi ba go se be le maitshwaro.

223 Elelwang ka fao Eliya...Ke eng se se hlotšego hlogo ya gagwe go tšewa go tloga go yena? E bile Jesebele. Jesebele e bile yena mohlodi wa lehu la gagwe. E mo tšhabišeditše ka lešokeng.

224 Johane Mokolobetši, morati wa lešoka yo mongwe, motsomi, monna wa sethokgwa. Mo hlokomele. O be a se na le thuto. Hlokomela ya gagwe—ya gagwe hlogotaba, e be e se bjalo ka ya moithutamodimo. O rile, “O lena moloko wa dinoga!” Selo sa ditšhilatšhilatšhilatšhila o ka kgonago go se hwetša ka lešokeng, sa maradia, e be e le—e be e le noga. Gomme o beditše baprista bao, “Lena moloko wa dinoga! Ke mang yo a le seboditšego go tšhaba bogale bjo bo tlogo? Le seke la thoma gore, ‘Ke rena ba se, gomme re na le se

goba *sela*,’ ka gore ke re go lena, Modimo o a kgona go tšwa maswikeng,” lešoka. Gape, “Selepe” (se a se šomišitšego) “se beilwe modung wa mohlare; gomme mohlare wo mongwe le wo mongwe wo o sa tlišego pele dikenywa tše botse, o remelwa fase gomme wa lahllelwa ka mollong.” Amene.

225 O be a le moreri wa tlhago. Monna yo mogolo wa Modimo, o phetše nako ya seripana, eupša ka nnete o tšhumile kgabo go kgabaganya lefase. O šišintše moloko woo ka tšona dikgwedi tše tshela tša bodiredi bja gagwe. Modimo o mo tsošitše lebaka le mengwaga ye masometharo, go hwetša dikgwedi tšela tše tshela go tšwa go yena. Eupša Modimo o dira tsela ya Gagwe Mong, O tseba se puno ya Gagwe e lego sona.

226 Bjale re hwetša ntle bjale gore se ke tlwa se se ilego sa direga. Ga se ba ke ba mo dumela, ka baka la gore e be e se wa bona. Ga se ba ke. Ba dirile bjalo ka mehlang, ga se ba ke ba Le bona. Ga se ba ke ba dumela Lentšu la Modimo la Maleaki 3, goba ba kabe ba ile ba bona pepeneneng, ka lengwalo, gore yo e be e le moeteledipele yola. Ba be ba se ba ke ba ba le moporofeta lebaka la makgolonne a mengwaga, gomme fa yo motee o tsoga lefelong la tiragalo ka moka gatee. Le a bona? Gomme batho, badumedi, ba mo dumetše go ba yoo. Le a bona, ga se bake ba Le dumela. Ga se bake ba dumela, ka baka la gore ge ba bona lengwalo le tlišetšwa ka go felela, se A boletšego gore O tla se dira, le selo se sengwe le se sengwe, gomme ba bona Le hlatselwa phatlalatša ge Lentšu le e tla thwi ka meetseng go moporofeta. Ba be ba eme fao.

227 Fao go na le ba bantši ba ba phegago ka Lengwalo leo fao ka Johane. Le a bona, Johane o rile, “Ke nyaka go kolobetšwa ke Wena, gomme ke ka baka la eng Wena o etla go nna?”

228 Jesu o rile, “Lesa seo se be bjalo, ka gore ka fao... eupša ka fao e tlile go rena, go a re swanela (go tlile) gore re phethagatše. Ka moka gabotse, Johane, wena o le moporofeta, o a tseba gore sehlabelo se swanetše go hlatswiwa pele se neelwa. Gomme Nna ke Sehlabelo seo, gomme o moporofeta gomme o tseba seo.” Gomme a Mo lesa gomme a Mo kolobetša. Le a bona? Gomme o be a tseba gore e be e le yena.

229 Lebelelang, ba ile ba mo sega, ba mmitša “lebelete, la go goelela, lehlanya la go se rutege,” bjalo ka mehlang, moporofeta yoo o be a etile pele go tla ga Jesu la mathomo.

230 Ga ke re gore ba... ga re na le baekiši ba ba swanago lehono ba—ba ba mmapaale. Ba a dira, ka go phethagala. Eupša, elelwang, fao o bonago dolara ya bofora fao go swanetše go ba dolara ya nnete ye e dirilwego go tšwa go yona. Fao o bonago yo motee a ekiša go ba Mokriste, fao go swanetše go ba Mokriste wa nnete felotsoko; ka baka la gore, ge go ka se ke, *yoo* e tla ba wa setlogo. O swanetše go tla go wa setlogo. Eupša lebelela wa pele yo motee, gomme o bone ge eba wa setlogo e no ba tlwa le tshepišo. Ge e le yona, gona Le dumele: tshepišo ya lebaka.

²³¹ Ka gona seporofeto sa Johane se be se hlatselwa ka tshepedišong ya Modimo. Lentšu le tlile go moporofeta gomme la mo hlatsela ka therešo bjalo ka motho yoo.

²³² Gape Jesu o tlile ka gare...go fapana le kwišišo ya bona ya seporofeto seo. Ga se bake ba Se kwišiša ka tsela yeo. (Bjale, re ya tlase go ya bofelong bjale.) Eupša go ya ka Lentšu la moporofeta, Se phethagadišwe go fihla lengwalong. Seporofeto se phethagadišwe; eupša tsela ye ba bego ba gopola gore Se tla ba ka gona, ga Se sa ba ka tsela yeo. Bjale, ba be ba kgona bjang le go tseba gore ke tsela efe ye e bego e le therešo goba e fošagetše? Go bona ge eba e be e hlatsetšwe ke Modimo, ge eba e be e le Modimo yo a bego a hlatholla se A se boletšego. Fao go be go le bo Jesu ba maaka ba ba tsogilego, gomme ba hlahla monna, sehlopha sa...makgolonne, ntle ka lešokeng le dilo; eupša ga se a ke a kgonthiša go dira seyena ka Lentšung, le a bona, bjalo ka ge A boletše.

²³³ Jesu, ge A etla, O be a swanetše go ba Moporofeta. Seo ke therešo! Gomme lehono, pele Jesu a etla gape, ponagatšo ya go tlala ya bomotho bja Jesu Kriste e swanetše go bonagatšwa nameng. Naganang ka yona! Jesu o rile, “Bjalo ka ge go bile bjalo ka matsatšing a Sodoma, ka fao go tla ba bjalo ka go tlang ga Morwa wa motho, ge Morwa wa motho a utollwa.” Na go *utollwa* ke eng? Go tatollwa, go dirwa go tsebja. Sephiri se tlišitšwe pele, se utolotšwe. Ka letšatšing le Morwa wa motho a tla utollwago, lefase le tla ba ka leemong la Sodoma. Re na le yona, a ga re? Ya! Ke ba bakae ba dumelago seo? E ka leemong la Sodoma. Gomme yeo ke therešo tlwa! Lebelela fao le dikelago, bjale.

²³⁴ Elelwang, fao ka mehla go na le dihlopha tše tharo tša batho ka go sehlopha se sengwe le se sengwe sa batho o se kgobokanyago, ke, badumedi ba maitirelo, ba ba sa dumelego, le badumedi. Re na le bona ka go sehlopha se sengwe le se sengwe. Ba bile le bona ka go nako ka moka. Fao go be go le Basodoma, fao go be go le—fao go be go le Balota, gomme fao go be go le Abraham.

²³⁵ Sa Abraham e be e le sehlopha sa babiletšwa ntle, o be a se ka Sodoma sa mathomo. Bjale hlokomelang Molaetša wa bona! Ba be ba lebeletše morwa yo a tshephišitšwego, ba mo lebeletše lebaka la mengwaga. Modimo o laeditše Abraham maswao a mantši a magolo le dimaka, eupša fa Modimo o tlile fase ka Boyena bjalo ka monna!

²³⁶ Le re, “Yoo e be e le Morongwa.”

²³⁷ Abraham o Mmiditše, “Morena,” tlhakakgolo M-o-r-e-n-a. Mmadi yo mongwe le yo mongwe wa Beibele o a tseba gore M-o-r-e-n-a yoo wa tlhakakgolo ke Elohim. “Mathomong Modimo,” Morena Modimo, Elohim, yo Motee yo a lekanego ka moka. Abraham o Mmiditše, “Morena Modimo, Elohim.”

238 Bjale elang hloko, fao go be go le batho ba babedi ba ba go ya tlase ka Sodoma ka molaetša, gomme ba rerela Basodoma. Ga se ba ke ba dira selo, eupša ba ba foufadiše; e lego, go rera Ebangedi go foufatša yo a sa dumelego.

239 Eupša hlokomelang mohuta wa leswao le sehlopha sa Abraham se le amogetšego!

240 Bjale, re swanetše go ba Peu ya Abraham ya bogoši, Isaka e be e le peu ya tlhago. Eupša Peu ya tumelo, tumelo go Lentšu le le tshephišitšwego, Lentšu le le *tshephišitšwego* (o seke wa lahlegelwa ke Lona) e be e le Peu yeo ya bogoši; e be e le Peu, tumelo ya Abraham. “Rena ba re hwilego ka go Kriste, ke rena Peu ya Abraham, bajabohwa le yena go ya ka tshephišo.”

241 Elang hloko ge ka moka se se diregile, tlase ka Sodoma fao go be go le badiredi ba babedi tlase kua ba rera ka molaetša wo mogolo.

242 Fao go be go le yo Motee godimo fa le sehlopha sa Abraham seo se sego sa ke se šilofala le sehlopha sela tlase fao. Bjale hlokomelang yo Motee yo a go šala le sehlopha sa Abraham, ke mohuta mang wa leswao le A ba filego lona. O rile. . . Bjale, elelwang, leina la gagwe e be e le Abram matšatši a se makae pele ga fao; gomme ke S-a-r-r-a, e sego S-a-r-a-h (kgošigatšana). Gomme Monna yo, ka magetla a Gagwe a retologetše go tente. . .

243 Basadi nako yeo ba be ba fapana le ka fao ba lego lehono. Ba swanetše go ya ka ntle gomme ba tšee kgwebo ya monna wa bona le se sengwe le se sengwe gape, le a tseba. Eupša ba be ba sa e dire nako yeo; ba be ba šala morago ka morago.

244 Ka fao ba. . .ka fao bona Barongwa ba be ba dutše fao. Motseta, gomme A re, “Abraham, mosadi wa gago o kae (S-a-r-a-h) Sarah?” O le tsebile bjang? O le tsebile bjang?

245 Abraham a re, “O ka tenteng ka morago ga Gago.”

246 A re, “Ke ya go go etela go ya ka nako ye Ke go tshephišitšego yona. Ke ya go go etela.” Gomme Sarah a sega ka mkgwa wo mong go yena mong.

247 Ka magetla a Gagwe tenteng, gomme A re, “Ke ka lebaka la eng Sarah a segile, a re ‘Dilo tše di ka ba bjang?’” Ge nkabe a be a se ka go Abraham, monyalwa wa gagwe ka nako yeo, Modimo nkabe a mmolaile. Ka fao re ka be re le bjalo lehono ka moka go se dumele ga rena, ge nkabe re be re se ka go Kriste. Seo se re swere thwi fao, le a bona. O be a ka se kgone go koša bohloko goba a ka se kgone go tšea Sarah ntle le go gobatša Abraham. Le a bona?

248 Gomme ka fao elelwang, Jesu o rile, “Bjalo ka ge go bile bjalo ka matšatšing a Sodoma, ka fao go tla ba bjalo ka go tlang ga Morwa wa motho.” Re bona yo mongwe le yo mongwe a dumela gore lefase le ka lemong la Sodoma. Ke topile pampiri

ya Los Angeles fa e sego telele go fetile, gomme e re, ke nagana gore “Bong bja go swana bo oketšega ka masomepedi goba masometharo a peresente ka Los Angeles, ka ngwaga e oketšega kudu.” Ke . . . Oo, go a šiiša! Ka mmušong wa rena le mo gohle, se sengwe le se sengwe se no tla go ba phapogo. Seo ke therešo! Selo sohle, tshapedišo yohle, kereke le selo se sengwe le se sengwe se fapošitšwe. Ke lebakeng la phapošo.

²⁴⁹ Bjale ke nyaka go le botšiša selo se sengwe lena baithutamodimo, baena ba ka. E sego gore ke bolela kgahlanong le lena, ngwanešu morategi wa ka; ke fa go go thuša, ngwanešu. Ke fa go ema godimo ga se Lentšu la Modimo le rego ke therešo, swara seatla sa gago gomme o tliše lešaba le la batho ka ntle ga selo se. Therešo!

²⁵⁰ Eupša lebelelang fa, ga se ra ba le motseta tlase ka Sodoma pele yo leina la gagwe le bego le fela ka h-a-m go fihla bjale. Re bile le Spurgeon, Wesley, Luther, le se sengwe le se sengwe gape, eupša ditšhabatšhabeng ga se gwa ke gwa ba motseta yo leina la gagwe le felelago ka h-a-m, pele. Seo ke therešo! Le a bona, G-r-a-h-a-m, ditlhaka tse tshela, G-r-a-h-a-m, Billy Graham; moebangedi yola wa go bonagala, mošomo wo mogolo wa Modimo, monna o romilwe go tšwa go Modimo. O bile le tokafatšo yela tlase e phaphathilwe kudu, gomme o šišinya setšhaba ka yona, le a bona, ka tsela yeo. Fao ga go . . .

²⁵¹ Lebelelang go Oral Roberts go kereke ya leina ya Pentecost. Ke neng fao go kilego gwa ba yo motee go swana le yoo?

²⁵² Ditlhaka tše tshela, e sego šupa. Abraham ke A-b-r-a-h-a-m, šupa. Billy Graham ke G-r-a-h-a-m, tshela.

²⁵³ Bjale lebelelang batseta. Lebelelang nako ye re dutšego, ga se gwa ke gwa ba nako ka historing. Lebelelang maswao a a swanago ao A a tshepišitšego gore o tla a fa sehlopha se sengwe le se sengwe. Lebelelang fao a lego. A go swana, tlwa, madulong, a beilwe thwi ka lenaneo. Tlhago, lefase, selo se sengwe le se sengwe, se dutše thwi tlwa go nako.

²⁵⁴ Bjale le seke la foša Ye, ge re lokologanya ka moka Lengwalo le! Ka pela bjale, ka baka la gore ke le swarelela botelele kudu bjale. Pitšo . . . Lebelelang fa. Gomme go ya ka moporofeta, o tilile feela tlwa go Lentšu, feela tlwa go nako.

²⁵⁵ Bjale lebelelang go lebaka bjale fao re phelago go lona. A ga re phele thwi ka nakong yela ya Sodoma? Hlokomelang motseta go sehlopha sa Abraham. Hlokomelang dinomoro, ditlhaka, le nomoro ya leina la gagwe. Le re, “Fao ga go selo ka leineng.” Le seke la tsoga le dumeletše yo mongwe go le botša seo. Ke ka baka la eng A fetotše leina la Abram, go ya go Abraham, Sarra go ya go Sarah? Ke ka baka la eng A fetotše Simone go ya go Petro, le ka moka ba bangwe bao? Le a bona? Ka nnete se gona. Tlwa!

²⁵⁶ Ke ka lebaka le ke rego o seke, o seke wa tsoge wa bitša ngwana wa gago “Ricky,” goba “Elvis,” goba selo se sengwe.

Elvis e ra gore “katse,” *Ricky* ke “legotlo.” Le a bona, ge o re... Seo ke therešo tlwa. “Les,” goba selo se sengwe, o seke wa tsoge wa bitša yo motee wa ngwana wa gago... bana seo. Ge e le lona, le fetoleng thwi ka pela, batho. Le seke lena... Lena bao... Ge le ntumela go ba mohlanka wa Modimo, o seke wa be wa kgorometša leina leo godimo ga ngwana yola wa go šokiša. Le a bona? Aowa, mohlomphegi, mo fe leina le lengwe ntle le leo. Nna! Ke be ke se ka swanela go tšwa ka leo, ka baka la gore ke tšwele thutong ya ka, eupša ke e boletše gomme ka moka e fedile. Ke... Ke ka fao le dirago, ga le tsebe ge le le bolela. Le a bona?

²⁵⁷ Ba Mmeditše, “Lethoko, mmolelamahlatse, diabolo, Beletsebubu,” gomme ba re, “O itirile Modimo ka Boyena.” Oo, nna!

²⁵⁸ A Jesaya moporofeta ga se a ke a re, “O tla bitšwa Modimo yo Maatla”? Jesaya 9:6, “Go rena ngwana o tswetšwe, morwa o neilwe, gomme mmušo o tla ba godimo ga magetla a Gagwe, gomme Leina la Gagwe le tla bitšwa Moeletši, Kgoši ya Khutšo, le Modimo yo Maatla, Tate wa ka gosafelego.” Yeo ke therešo! Gape, Mokgethwa Johane 1:1, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa ya ba nama gomme la dula magareng ga rena.” Le dumela seo? O be a no se be... O be a le Moporofeta, eupša O be a feta moporofeta; O be a le Modimo-Moporofeta. Ke ka baka la eng A be a swanetše go tla?

²⁵⁹ Elelwang, O tlile ka maina a mararo a morwa. O tlile pele leineng la Morwa wa motho. Yena ga se a ke a ipitša ka Boyena “Morwa wa Modimo.” Le tseba seo. Le a bona, O tlile ka Morwa wa motho, moporofeta. Jehofa ka Boyena, Tate, o biditye Jeremia, “morwa wa motho”; moporofeta ke morwa wa motho. O tla...

²⁶⁰ Bjale O tlile ka morago ga Letšatši la Pentecost, O tlile morago ka sebopego sa Moya wo Mokgethwa, Moya wa ka godimo ga tlhago. Bjale Ke Morwa wa Modimo.

²⁶¹ Ka Miliniamong O tla ba Morwa wa Dafida, a dutše godimo ga terone ya Dafida. Le a bona, O tla ka gare... Ke Morwa wa Modimo, Morwa wa motho, Morwa wa Dafida.

²⁶² Oo, Beibele e tletše ka dilo tše bohlokwa tše. Re ka se kgone go di hwetša ka moka ka bošego bjo botee. Eupša go no swanela go bea ye bjale. Bosasa bo ka no se hlabe. Re ka no ba re sepetše pele ga bosasa. Nka no ba ke rerela motho yo a tlogo go ba a hwile pele mosong. Nka no be ke sepetše pele mosong. Ngwanešu, kgaetšedi, seo ga se nonwane, ke dintlha tša therešo! Ga re tsebe nako yeo re tlogago ka yona, gomme o ka se be le sebaka se se itšego ka morago ga ge mohemo wola wa mafelelo o tlogetše mmele wa gago. E lokiše bjale, o seke wa leta go fihla ka moso, go ka be go le llata kudu.

²⁶³ Elang hloko bjale, ba Mo dirile tlwa seo baporofeta ba boletšego gore ba tla mo dira sona, feela bjalo ka ge ba dira go

fihla letšatšing le le swanago ka go Lebaka la Laodikia. Ge o nyaka go e lebelela, bala Kutollo 3, “Ba fougfetše, ba a ponoka, gomme ga ba e tsebe. Ba rakile Kriste. . .” Ge A thoma go ikutolla ka Boyena ka sebopego sa peu gape, ye tee ye e swanago ye e ilego ka mobung e tla morago go ba Monyalwa; feela Monyalwa le Monyadi, ke nama ye e swanago le madi, bodiredi bjo bo swanago, le dilo tše di swanago, e dira feela tlwa se A se dirilego; Moya.

²⁶⁴ Gomme šiba fa ba ekiša le go dira selo se sengwe le se sengwe gape, gomme yo mongwe le yo mongwe yo motee o na le puku ya gagwe le go kitima, le se. Oo, o ka se tsogo o kwele maikutlo ao! Gomme. . . [Ngwanešu Branham o gogela moya teng ka nko ya gawe—Mor.] “Ke nkgelela diabololo bjale.” Ka moka se, seo, go no se be lengwalo ka fao e ka kgonago go ba!

²⁶⁵ Gomme selo sa mmapaale se robetše thwi fao pele ga bona, ba sepela go tloga, “Ga se ba mokgatlo wa ka.” Nna, nna, feela, le a bona, e no ba sefoku se hlhla sefoku. A ka moka ba ka se wele ka moleteng? Ba fougfaditšwe ke ditšo tša dikereke tša bona tša maina, ba Mmeile ka ntle ga kereke ya bona bjalo ka ge Modimo a boletše gore ba tla dira, ka go Kutollo 3; bjalo ka mehlang, bjalo ka ge go porofetilwe.

²⁶⁶ Elang hloko ka fao Jesu sel- . . . o itirile ka Boyena go tsebja go barutiwa, bjale, gomme re tla tswalela. Barutiwa ba babedi ba, Kayafa. . . Cleopas, ke ra gore, le mogwera wa gagwe. Bjale re ka go tsogo, mosong ka morago ga tsogo, tsogo ya pele; a moso wo mobotse, Jesu o godimo go tšwa bahung gomme o phela magareng ga batho ba Gagwe. A kgopolo ye botse!

²⁶⁷ O fa o a swana lehono go swana le ka fao A bego a le ka gona letšatši leo, ka baka la gore O a swana maabane, lehono, le ka. . . Gomme o ikutolla ka Boyena ka go fetiša lehono go feta ka fao A dirilego ka go lebaka le lengwe e sale go tloga letšatši leo; o tla go kgabola korong le lehlaka le mooko (ka moka go fetile bjale), re ka go korong gape. Le a bona, re morago ka go thoro gape.

²⁶⁸ Go tsebja bjalo ka. . . tseba. . . Hlokomelang ka fao A itirago go tsebja ka Seyena go batho ba, bjale, elelwang, bjalo ka Mesia wa bona (feela pele re tswalela) wa Lentšu le le tshephišitšwego la lebaka. Elang hloko! O tšweletše go, go. . . bjalo ka ge A boletše gore O be a tla dira, go baporofeta. Elang hloko, “Mašilo, le ba pelo ya go tšwafa go dumela gore ka moka tše baporofeta ba di ngwadilego ka Yena di be di swanetše go phethagatšwa.”

²⁶⁹ Mo hlokomelang! O šupa morago thwi go Lentšu la Modimo, ga se A ke a tla thwi ntle gomme a ba botša, “A ga le Ntsebe? Nna ke Mesia yo a tsogilego.” Ga se A ke a bolela seo. Le a bona, O nno ba fa Lengwalo; go swana le ge Johane a dirile, le ka moka ga bona. Le a bona? O nno. . . Ba

swanetše go topa seo ntle ka bobona beng. Ba swanetše go ahlola ka ya bona beng. Bjale, o seke wa ya go robala, ahlola ka bowena mong.

²⁷⁰ “Mašilo, pelo ya go tšwafa go dumela gore ka moka tše baporofeta ba di boletšego di be di swanetše go tla go phethagala.” A tsholo go bona ba ba bego ba tleleima gore ba be ba Mo tseba. Le a bona?

²⁷¹ Hlokomelang ka fao A go batamela thuto. Ga se A ke a e tla thwi ntle, bjalo ka ge ke boletše metsotso e se mekae ya go feta, gomme a re, “Go lokile, a ga le tsebe gore ke Nna Mesia wa lena wa lebaka le? A ga le tsebe gore ke Nna yena?” Mohlanka wa nnete wa Modimo ga a itsebiše ka boyena mong ka tsela yeo; Lengwalo le mo tsebiša gore ke mang. Ke nnete, o tla dira. Eupša o bileditše šedi ya bona go se baporofeta ba se boletšego go se lebelela ka go lebaka la Mesia. Le a le bona? Go ya thwi morago: “Mašilo, le ba pelo ya go tšwafa, ga ba dumele gore ka moka tše baporofeta ba di boletšego ka Mesia di swanetše go tla go phethega.”

²⁷² Yena, bjalo ka Johane, o dumeletše Lentšu la Beibele go Mo tsebatša, se A bego a le sona go bona. Seo se swanetše go ba se dirilwe go ba pepeneneng go lekanela. Ge Lentšu le Mo tsebišitše, seo se be se swanetše go ba pepeneneng gore tshephišo e be e le Mang yo ba bego ba mo lebeletše. Ba be ba tseba gore o be... yo mongwe o be a swanetše go tla lefelong la tiragalo ka nako yeo.

²⁷³ Ka baka la eng, O rile, “Bjale a Ke le laetšeng seo Lentšu le bolelago gore se swanetše go direga letšatšing le.”

²⁷⁴ A ga se nna, bošegong bjo, ke lekago go le botša, Lentšu ka Lentšu (le go ya lemong, lefelong, maineng, dinomorong, le se sengwe le se sengwe gape, le ka moka maswao, dinako, le se sengwe le se sengwe), gore re thwi fa mo nakong ya mafelelo? Ka nnete le kgona go bona se ke bolelago ka sona. Le a bona? Lebelelang! Seo se molaleng kudu ga se nyake boitsebišo bjo bongwe gape. O rile, ge A be a le fa lefaseng, “Phetlang Mangwalo, ka wona le nagana gore le na le Bophelo bjo Bosafelego, ke wona... a paka ka Nna, le a bona, gore ke Nna mang.”

²⁷⁵ Elang hloko, O thomile ka Moshe moporofeta, moporofeta, Deuteronomi 18:15. Ke hlokometše Mangwalo fa. Deuteronomi 18:15, Moshe o rile, “Morena Modimo wa lena...”

²⁷⁶ Le a bona, Modimo o boletše le yena ntlhoreng ya thaba. Gomme, oo, nna, modumo; ba ile ba re, “A—a Morena... A Moshe a bolele, e sego Modimo, go sego bjalo re tla senyega.”

²⁷⁷ A re, “Ba boletše gabotse. Ke tla... Nka se bolele le bona gape ka mokgwa wo, eupša Ke tla ba tsošetša moporofeta.” Gomme woo e bile molaetša wa Gagwe tsela ka moka go kgabola. Seo ke se se tlogo go rarolla selo sohle mafelelong. Se swanetše go ba bjalo, ka baka la gore Lentšu la Morena le swanetše go tla go

moporofeta. Ke selo se nnoši Le ka kgonago go tla go sona. Ge le sa dire, le roba Lentšu la Modimo gomme le Mo dira gore a bolele selo se sengwe se se fošagetšego. Le a bona? Le ka se tsoge la ya siminareng. Le ya go moporofeta. Gomme moporofeta o romilwe go tšwa go Modimo, o beilwe. Gomme le tseba bjang gore ke lona, gomme e sego seo motho a se boletšego, . . .

²⁷⁸ Re bile le bo Eliya, le dijase, le selo se sengwe le se sengwe gape, le diaparo, le ka moka mehuta ya lefeela, le go ya ntle go ya ka mekgatlong le selo se sengwe le se sengwe.

²⁷⁹ Eupša go tla tla mo lefaseng le, ka tshephišo ya Modimo, mohlanka wa Modimo wa mmapaale, yo a hlatsetšwego ke Modimo (ka Lentšu la Gagwe e lego karabo ya letšatši le), le le tlogo go bea Monyalwa lenaneong (kereke ye nnyane ya ba ba sego nene ka nnete) gomme a e tšeela godimo. Seo ke therešo! O tla tsebagatša, “Bonang, fao go yo Motee yo ke bego ke bolela ka yena, le a bona, leo le tla tla.”

²⁸⁰ Gomme ka moka seo baporofeta ba go se bolela ka Yena, le go lebaka le, ka baka la eng go be go tla ba mantswikinyane go Mo kwa a bolela seo. A o be o ka se rate go Mo kwa a se bolela? “Ka moka baporofeta ba boletše ka . . .” Elelwang, O boletše se baporofeta ba bego ba se bolela ka Yenamong, ba tsopola Yena ka Boyena Mong, se A se boletšego (gomme O be a le Lentšu); a tsopola.

²⁸¹ Bjale a re theetšeng Mantšu ao A a tsopotšego. A le rata go kwa se A se boletšego go bona? A re nong go rwala poledišano ya bona bjale, feela pele re ema.

²⁸² Bjale, ba ile ba nyetlelwa ka moka ka ditiragalo tša morago tša go bapolwa, tša setori sa lebitla le phupu, le basadi ba ba Mmonego, gomme yo motee gape o rile ba Mmone, le go ya pele. O rile. . . Ba—ba Mo nyetletše ka seo. Gomme O ya thwi pele ka Lentšu ka . . . go itsopola ka Boyenamong go kgabola Lentšu:

“Bjale lebelelang ka go Sakaria 12.” (O swanetše go ba a tsopotše Sakaria 11:12.) “Ka gore O rekišitšwe ka diripa tše masometharo tša silibera. A Mesia o be a se a swanelwa ke go rekišwa ka diripa tše masometharo tša silibera?”

“Ka go Dipsalme 41:9, O ekilwe ke bagwera ba Gagwe. Le a bona?”

“Sakaria 13:7, o tlogetšwe ke barutiwa ba Gagwe.

“Dipsalme 35:11, o beilwe molato ke dihlatse tša maaka.

“Ka Jesaya 35:7, semuma pele ga babegi ba Gagwe, ga se a ke a bula molomo wa Gagwe.” (Ka moka gabotse, mohlomphegi.)

“Jesaya 50:6, O ile a setlwa.

“Dipsalme 22—22, O ile a goelela sefapanong, ‘Modimo wa Ka, ke ka baka la eng Wena o Ntlogetše?’ Ka moka marapo a Ka a Ntsepeletše. Ba thubutše diatla tša Ka le maoto a Ka.” (Lebelela diporofeto tše A kgonnago go bolela ka tšona!)

“Jesaya 9:6, Re tswaletšwe ngwana, kgarebe e tla ima, go ya pele.

“Gomme gape le ka go Dipsalme 22:18, ba—ba—ba abagantšhe diaparo tša Gagwe magareng ga bona.

“Ka go Jesaya 7:14, kgarebe e tla ima.

“Dipsalme 22:7 le 8, e Mo dirile... o kwerilwe ke manaba a Gagwe, ba Gagwe... ba be ba swanetše go ba bagwera ba Gagwe; manaba a Gagwe, kereke.

“Ka go Dipsalme 22 gape, O ile... ga go lerapo le le bego le swanetše go robja, eupša ba ile ba thubela diatla tša Gagwe le maoto a Gagwe.

“Jesaya 53:12, o hwile le basenyi.

“Ka go Jesaya 53:9, o tlapirigantšwe, gomme a bolokwa le ngwanešu wa mohumi.

“Ka go Dipsalme 16:10, O ile a tsošwa go tšwa bahung. Dafida o boletše bjalo, ‘Nka seke ka tlogela yo Mokgethwa yo Motee wa Ka a bona go bola, ebile Nka se tlogele soulo ya Gagwe ka heleng.’ O ile a tsoga go tšwa bahung.

“Maleaki 3, Johane Mokolobetši e bile moeteledipele wa Gagwe.”

²⁸³ Gomme le ka moka diswantšho A ka bego a ile go tšona! Le Isaka e lego seswantšho sa Gagwe godimo ga Thaba... godimo ga thaba fao tatagwe Abraham a mo tšeešego, ka go Genesi 22.

²⁸⁴ E bile bjale gore ba thoma go bona gore ke Mang yo a phethagadišego Mangwalo a ao a bego a tshephišitšwe a letšatši leo. E bile nako yeo, ka morago ga ge e bile llata, ba thoma go bona. “Oo! Go lokile, ema motsotso! Le a tseba ke eng?” Ba tsebile nako yeo gore Mogwera wa bona yo ba mmapotšego, Jesu, e be e le Moporofeta yoo yo a bego a tshephišitšwe. Ba tsebile ka baka la gore... Le a bona, ga se ba ke ba nyetlelwa ka Mangwalo.

²⁸⁵ “Eupša, fa, ka moka dilo tše di be di swanetše go direga sefapanong, ka moka dilo tše. Mašilo, pelo tša go tšwafa go kwišiša ka moka tše baporofeta ba di boletšego; ka fao Mesia a swanetšego go tlaišega, gomme a tsene ka letagong la Gagwe, gomme a tsoge ka letšatši la boraro.”

²⁸⁶ Go le bjalo ba a ya, “Oo, ya. Seo ke therešo. Ke re O—O... A dipelo tša rena ga se tša ke di fiša ka gare ga rena?” ba boletše. Ga go makatše dipelo tša bona di fišitše! Diporofeto tše A bego a di fa di ile tša phethagatšwa.

²⁸⁷ Nako ye ba thoma go kwišiša gore Mogwera wa bona, Monna yo ba jelego le yena, ba bolela le yena, ba amana le yena, ba thea dihlapa le yena, ba robala ka sethokgweng, gore yoo o phethagadišego Lentšu le lengwe le le lengwe la iri ye e tshephišitšwego! Šeo e be e le fao. Ba be ba sepetše dimaele

tše tshela, e be e bonagala e le nako ya seripana kudu, ke a nagana, gomme ba be ba kwele thero ya diiri tše tshela ka seporofeto se se hlatsetšwego (boteletšana gannyane go feta ye re bilego nayo bošego bjo, le a bona). Go be go e ba llata ka nakong ya mantšibuwa, Dietša tša mantšibuwa di be di tlile.

²⁸⁸ Ke nako ye e swanago bjale, kereke! Dietša tša mantšibuwa di tlile! Baheberu 13:8, “O a swana maabane, lehono, le ka gosafelego.” Oo, ditiragalo di dirwa go ba pepeneneng ke seporofeto, go swana lehono. Seetša sa mantšibuwa se se tshepshišitšwego ke moporofeta wa Modimo, ka go Sakaria 14:7, se ka bula gape mahlo a modumedi wa therešo go ditiragalo tše di diregago lehono, tšeo di kgonthišitšwego ke diporofeto gore re ka nakong ya mafelelo. Jesu o etla.

²⁸⁹ Yona . . . Ke . . .

²⁹⁰ O rile, “Fao go tla ba le letšatši le le ka se bitšwego bošego goba mosegare.” O rile, “Eupša nakong ya mantšibuwa go tla ba le Seetša.” Bjale, re a tseba, go ya ka thutafase, letšatši le hlaba ka bohlabela gomme le dikela ka bodikela. Bjale, moporofeta o rile, “Fao go tla ba monamo wo motelele wa nako wo o tlogo go ba leutu, mohuta wa . . . wo o ka se kgonego go bitšwa mosegare goba bošego; ke mohuta wa leswiswi, letšatši la kgudi.”

²⁹¹ Bjale, na Morwa o hlabile kae? Woo . . . Yoo e be e le M-o-r-w-a yo re bolelago ka yena bjalo. Gore m-o-r-w-a wa tlhago o hlaba ka bohlabela gomme o dikela ka bodikela. Yena Modimo yo a swanago, yena yo a swanago . . . *Letšatši*, ke ra gore. Gomme M-o-r-w-a wa Modimo o hlabile pele ka bohlabela, go batho ba ka bohlabela.

²⁹² Gomme bjale ka morago ga ge A sepetše, na ba dirile eng? Mengwaga ye makgolotharo ka morago, ba ile ba thoma mokgatlo wa bona wa mathomo, kereke ya Katoliki ya Roma. Go kgabola Lebaka la Leswiswi ba ile, gomme ba tla ka ntle. Na ba dirile eng? Selo se se swanago. E be e le letšatši la . . . Le be le sa bitšwe mosegare goba bošego. Ba be ba na le ditshipedišo tša go lekanela, gomme ba be ba dumela gore O be a le Morwa wa Modimo, gomme ba sepela ka seetšeng se ba bego ba na le sona, ba dira dikereke tša bona, ba aga dipetlele le dikolo le go ya pele, le disiminare, ba romela bana ba bona sekelelong.

²⁹³ Eupša moporofeta o rile, “Go tla ba Seetša gape e ka ba nako ya mantšibuwa. Morwa o tla okamela gape, go tla ba le Seetša.” Eng? Yena Morwa yo a swanago (M-o-r-w-a) yo a go utollwa nameng nakong ya mosong, morago kua, o tla utollwa gape nakong ya mantšibuwa.

²⁹⁴ Bjale bapetšang Mokgethwa Luka 17:30, “Gomme letšatšing leo, bjalo ka ge go bile bjalo ka matšatšing a Sodoma, go dula ga lefase, ka nakong ye Morwa wa motho a utollwago.”

Go tla ba le Seetša e ka ba nakong ya
mantšibuwa,
Tsela ya go ya Letagong o tla e bona ka nnete.

295 Oo, nna! Batho, na re kae?

Ditšhaba di thubega, Israele e a tsoga,
Maswao a baporofeta ba a boletšego pele;
Matšatši a Bantle a badilwe, ba šitišwa ke
diego; (Mo hlokomele ge a thelella ka
lewatleng!)
Boang, O bašwallanywa, ga lena beng.
Letšatši la topollo le kgauswi,
Dipelo tša batho di feila ka letšhogo;
Tlatšwang ka Moya, e bang le mabone a lena
a goteditšwe le go bonatša,
Lebelelang godimo! topollo ya lena e
kgauswi. (Bokaonekaone le dire.)

296 Ngwanešu, kgaetšedi, ke nako ya go tšhoša. Hlokomelang dilo tše di porofetilwego, hlokomelang dilo di direga. Hlokomelang ka moka diporofeto di a phethagatšwa, ka gona re a bona gore se ka moka ke ka eng. Ga se sehlopha . . . mothalo wa bohlangya. Ke Modimo a tiišetša Lentšu la Gagwe tlwa, tlwa. Letlapa le iteilwe, bagwera, tšhabelang go Lona ka pela ka fao le ka kgonago. Seporofeto se hlatsela letšatši le re phelago ka go lona.

297 A re inamišeng dihlogo tša rena. [Ngwanešu o bolela ka leleme le lengwe. Kgaetšedi o fa tlhathollo. Ngwanešu sefaleng o re, “A re ka swara go iketla lebakana feela? Modimo o boletše le rena ka Ngwanešu Branham, gomme tlotšo e godimo ga Ngwanešu Branham, gomme ga se a be a fetša. Gomme . . .” Lefelo le le se nago selo godimo ga theipi—Mor.]

298 Morategi Modimo! A le lemoga letšatši le re phelago ka go lona, bagwera? A le ka leka go ganetša Modimo? A le ka bolela gore “Ga A rereše,” ge A Le kgonthišetše? Ke mohlatholli wa Gagwe Mong. A le nyaka go Mo direla?

Bjale ka dihlogo tša lena di kobamišetšwe, le dipelo tša lena di kobamišetšwe, ngwanešu, kgaetšedi.

299 Ye e ka no ba kopano ya rena ya mafelelo. Re ka no se tsoge . . . Ge nka ba morago ngwaga go tloga lehono, ge nka phela, fao go tla ba ba bantši ba ba lego fa bjale ba ba ka se bego fa nako yeo. Gomme ke tla swanelwa ke go kopana le lena Setulong sa Kahlolo gomme ke arabele selo se sengwe le se sengwe se ke se boletšego bošegong bjo.

300 Pele ga Modimo, ge o sa le ka monaganong wa gago wa maleba, a bjale o ka dira bokaalo bjo go Modimo? Ge o tseba gore o . . . E no itebelela ka bowena mong ka seipone sa go lebelela sa Modimo (Beibele), go sa kgathalege gore o mang,

gomme o re, “Ke a tseba gore ke tsela go hlalelwa go tšwa go beng morwedi wa Modimo, bona ka tsela ye ke dirago. Ke tsela go hlalelwa gotšwa go beng morwedi wa Modimo, bona ka mokgwa wo ke dirago. Eupša, Modimo, ga ke nyake go ba fa, ke—ke nyaka go katanela go ya lefelong lela.” Ke nyaka wena o emišetše seatla go Modimo, e ka ba mang kapa mang e lego yena, kae kapa kae o lego gona go putlaganya moago, “Eye, ke nyaka go ba morwa wa Modimo. Ke nyaka go ba morwedi wa Modimo. Ke nyaka go phethagatša selo se sengwe le se sengwe se Morena wa ka a se laetsago.” Bjale wena . . . Modimo a go šegofatše. Ke a thanka masomesenyane a diperesente tša batheeletši.

³⁰¹ Bjale lebelela fa, mogwera wa ka. Go be go ka reng ge nkabe o phetše ka matšatšing a ge o kwele Johane a rera? Go be go ka reng ge nkabe o phetše ka matšatšing a ge Jesu a be a le fa? O be o ka tšea lehlakore la mang? Ge nkabe o phetše ka go ya Jesu . . . Elelwa, ge A . . . Ge nkabe o phetše morago kua, go be go tla no swana le ka fao go lego bjale. Jesu yo a swanago o itira go tsebja ka Boyena ka Lentšu la Gagwe, le a bona, gomme Lona ga se la tuma.

³⁰² Eupša a ke go botše, ga ke leke go botša batho gore ba tlogele kereke goba . . . Nna, ke nyaka gore o ye kerekeng, “O seke wa tlogela go kopanela ka bowenamong mmogo.” Eupša se ke lekago go go botša gore o se dire ke go gatelela go ya ka Mmušong wa Modimo. Hwetša dilo tše, lefase, kereke . . .

³⁰³ Mapentecost, lena batho le ba bofefase kudu. Le ya kudu ka morago ga lefase. Go no ba bonolo, le tšwela pele le bogela dithelebišene le ka moka dilo tše, le ka tsela ye ba dirago, le ka moka *se*, gomme selo sa pele le a tseba . . . Disiminare, dikolo di thoma go itšimeletša fa le fao, le *se*, *seo*, le se *sengwe*, gomme selo sa pele le a tseba . . . E swanetše go tla ka tsela yeo. Kereke ya Pentecost, e be e le mothekgi yo mogologologolo wa ka, nka se kgone go bolela selo kgahlanong le yona. Eupša seo ke se ke lilelago ntle, “Baena ba ka, tšwelang ka ntle!” Bitšang . . . Ga le na le dikopano tše le bego le e ba natšo. Batho ga ba sa swana le ka fao ba bego ba le ka gona. Eupša Jesu Kriste o a swana, a re tseneng ka go Yena.

³⁰⁴ Bjale, lena bao ka diatla tša lena godimo, elelwang, fao go be go le Letlapa le le iteilwego ka lešokeng, gomme Mothopo woo o sa bulegile bošegong bjo. Letlapa la bona le iteilwe, Kriste, ke Yena Letlapa leo le iteilwego.

³⁰⁵ Gomme bošegong bjo, bokgole bjo ke bo tsebago, kereke e ka no ba . . . Nako ya go bitša e ka no ba e šetše e fetile, ga ke tsebe, nka se kgone go bolela seo. Elelwang, batho ba be ba e ya thwi pele ba e ba le dikopano, go no swana, ka morago ga go bapolwa ga Jesu. Gomme . . . gomme ka moka batho, ba—ba tla tla, ba . . . Hlokomelang! Ba—ba tla ya thwi ba rera, gomme

ba re ba “a phološwa” le selo se sengwe le se sengwe, bjalo ka ge o ka re... “Lefase le tšwela pele bjalo ka ge le be le,” ba rialo. Eupša go tla ba llata kudu nako yeo.

³⁰⁶ Ge o sa na le sebaka, ngwanešu wa ka; ge o sa na le sebaka, kgaetšedi wa ka; etla ka Mmušong wa Modimo. Ga wa swanela go tla ka tlase ga selo se sengwe gape eupša feela ka tumelo ya pepeneneng go dumela Lentšu la Gagwe. Ke Yena Lentšu leo! “Morena Jesu, ke a tseba ke itebeletše ka bonna bjale ka seiponeng sa Lentšu la Modimo; oo, ke nna wa go hlaelelwa bjang. Eupša, morategi Modimo, fa bošegong bjo, ka bošegong bjo bja Mošupologo, fa ka San Bernardino, California, ka mo othoriamong ye fa, se ke—se ke ka moka se ke nago le sona, Morena, eupša ke tla se fa Wena. A O ka ntšea ka mokgwa wo ke lego ka wona, Morena? A O ka ntumelela go tšhabela sefapanong thwi ka pela? Ebile ke bona batseta. Ke bona nako, ke bona go bitša go tšwa ka Sodoma. Ke bona maswao. Ke bona sehlopha sa Abraham se amogela Seetša. Ke bona ponagatšo, Jesu a bonagatšwa gape magareng ga rena bjalo ka ge be go le bjalo. Ke bona dilo ka moka tše O di tshepišitšego. Ke bona baekiši; ke a bona O boletše gore, ‘Bjalo ka ge go bile bjalo ka matšatšing a Moshe,’ ka fao yo Jamboro le Janese ba tlogo go tla morago go ekiša, gomme ba sa dutše thwi ka go sethobolo seo ba bego ba le ka go sona.”

³⁰⁷ Le a bona, ga se ba ke ba kgona go latela Moshe ka Lentšu leo gomme ba tšeela bana bao ka ntle kua go ya ka lešokeng, ka baka la gore ba be ba na le kamano ka Egepete. Ga se ba ke ba kgona go e dira, le ge ba dirile mediro ye e swanago le ye a e dirilego. Eupša bošilo bja bona bo ile bja dirwa go bonagala. Gomme Beibele e re, seo ke GO RIALO MORENA, “Se tla direga gape ka matšatšing a mafelelo.”

³⁰⁸ Gomme le se bona ka mahlo a lena beng, ge o le wa semoya. Nna . . . nka se kgone go Le hlatholla. Ga se mo go bohlokwa go nna go Le hlatholla. “Dinku tša Ka di kwa Lentšu la Ka.” A re yeng go Yena bjale, ge re sa na le sebaka. A le ka dira?

³⁰⁹ Ge o nyaka kolobetšo ya Moya wo Mokgethwa, ge o na le nyakego ya go ineela gape, bophelo bjo boswa; modiša wa gago a ka seke a go nyatša, o tla go ratela seo. E no ineela ka go felela go Modimo bošegong bjo, ge re sa le fa. A re . . . Eye, ke a tseba e be e le mo go thata, go ripaganya, ga se gwa tlwaelega, ga ke dire seo go ba wa makoko, ke dira seo go ba yo a botegago. Ke dira seo ka baka la gore ke a le rata, ke rata Modimo, gomme ke se dira go leka go le thuša. Gomme ka therešo, mogwera, ke—ke—ke a dumela . . . Gomme ka pelo ya ka ka moka, ka tumelo ya ka ka moka, ke a dumela gore Molaetša wa ka o tšwa go Modimo. O—O be a kgonthiša seo go lena, go kgabola mengwaga.

³¹⁰ Bjale theeletšang, bošegong bjo gafela selo se sengwe le se sengwe se o nago le sona, selo se sengwe le se sengwe se o se

nyakago. Ke a dumela, ka ya therešo, pelo ya go ikgafa, ge o ka no ema godimo ga maoto a gago, gomme wa emišetša diatla tša gago go Modimo, gomme wa re, “Morategi Modimo, ke nna yo. Ntsee, Morena. Nka se sa leka go šomiša monagano wa ka mong le tlhathollo ya ka mong gape. Lentšu la Gago le re ke swanetše go ba yo ‘mokgethwa, ke swanetše go tswalwa gape, ke swanetše go tlatšwa ka Moya, gomme ka gona Moya o tla nketella pele go ya ka go Therešo ka moka.’ Morategi Modimo, ke nna yo, nketelle pele.” A o ka dira bokaalo bjoo? Ge o dira bokaalo bjoo, emiša seatla sa gago, e re, “Ke a rata go dira seo, ke a rata go dira.”

311 Gona ka moka a re emeleng godimo ka maoto a rena.

Feela ka fao ke lego, ntle le kgopelo e tee,
Eupša gore Madi a Gago a tšholletšwe nna,
Gomme gore Wena o mpotša gore ke tle go
Wena,
O Kwana ya Modimo, (Mojako o nnoši wa
Modimo) . . . etla! Ke . . .

Bjale tšea ka moka mošomo wa gago, selo se sengwe le se sengwe gape, go lapa ga gago, selo se sengwe le se sengwe . . . Go ka reng ge o be o e hwa bjale?

Feela ka fao ke lego, Wena o tla amogela,
O tla amogela, wa lebalela, wa hlwekiša, wa
amogela;
Ka baka la gore ke . . .

A o ka bea seatla sa gago godimo, godimo ga temana ye bjale?

Ke a tshephiša, ke tla dumela,
O Kwana ya Modimo, ke a tla! Ke a tla!

312 Bjale ge mmaokene a tšwela pele—a tšwela pele go bapala, a nke yo mongwe le yo mongwe wa rena . . .

313 Baswa ba mahlalagading, a le nyaka go ba ka mokgwa wo ntle fa seterateng, sehlopha se sa dihlapelwa?

314 Kgaetšedi, a o nyaka go apara moriri wo mokopana, mola e le tlhompho ya gago ya Bonasere go Modimo go ba le moriri wo motelele? “Ke dihlong go yena go ripa moriri wa gagwe.” A o ka apara dikhethe tše nnyane tše tša kgale le dilo tše ba di aparago lehono, ye—ye ya bootswa roko, ka mmele wa gago o bonagala ka go yona, ntle kua seterateng? A o be o tseba gore monna yo mongwe le yo mongwe yo a go lebelelago o dira bootswa le wena ka pelong ya gagwe? Gomme o itšweleletša ka mokgwa woo. A le a tseba, basadi, lena ba le tloago sebotsefatši, fao go na le mosadi yo motee feela ka Beibeleng yo a bego a tlotša sebotsefatši? Gomme Modimo a mo leša dimpša. Jesebele, leina le le bego le hloilwe go tloga letšatšing la gagwe, ka baka la ditiro tša gagwe tša seo. Le a tseba e be e le Eliya moporofeta yo a go mo rogaka gomme a mmiletša ntle ka mokgwa woo? A le a tseba gore e be e le Herodia yo Johane

Mokolobetši a bego a le ka morago ga gagwe? A o...Ga o nyake go ba selo sela sa Hollywood ya lefase. “Ge o rata lefase goba dilo tša lefase, lerato la Modimo ga le gona ka go wena.”

³¹⁵ Ngwanešu, mogwera modiredi, ga go selo...Ka kgopelo nkwišiše, ke nna ngwaneno. A o nyaka go ikamanya ka bowenamong, gomme lena maloko a kereke le ba kereke ye e itšego (Methodist, Baptist, goba eng kapa eng o bego o le), a o nyaka go swarelela ka go kereke yeo ya leina ka baka la gore mmago le makgolwago ba be ba swaretše go yeo? O tšwetšwe ntle ga selo se sengwe go tla ka go yeo, yeo e be e le Seetša sa letšatši leo; leo, bjalo ka dinakong tša Noage. Le ke letšatši le lengwe.

³¹⁶ O re, “Go lokile, ke bile le...”

³¹⁷ Le ga se letšatši la Pentecost. Lebaka la Pentecost le fetile. Pentecost e ile, ye ke nako ya puno. Le a bona? Gomme nako ya puno, thoro; meetse a tsholletšwe ntle, thoro e a butšwa. Etle ka go thoro, ngwanešu morategi wa ka. Nkweng, ntumeleng, ge le ntumela go ba mohlanka wa Modimo, a nke yo mongwe le yo mongwe wa lena, ka tsela ya rena beng, re kobamiše hlogo tša rena ka boikokobetšo gomme re neele thapelo ye re—ye re a tseba re swanetšego go e neela, “Modimo, ntšee ka mokgwa wo ke lego ka wona.”

³¹⁸ Gomme ngwanešu, kgaetšedi, ke ipea ka bonnamong godimo ga aletara bošegong bjo, le nna: Modimo, nkgoloke gomme o ntire yo a fapanego. Dira selo se sengwe, Modimo, ntire ka mokgwa wa Gago.

³¹⁹ Le nagana gore go bonolo go ema fa le go ripaganya batho diripana ka mokgwa woo? Ke selo se se thata go se dira. Eupša madimabe go nna ge ke sa se dire.

³²⁰ Morategi Modimo, bjalo ka ge batheeletši ba ba kobamišitše dihlogo le dipelo tša bona, ka nakwaneng ye kgethwa ye ya go tswalelwa ga thuto ya Beibele; ge re bona go hlatselwa ga Moya wo Mokgethwa wo o šišinyetšago setšhaba se morago pele, le morago le pele, ditsošetšo tše kgolo le ditšhupetšo, re tseba gore selo se sengwe se swanetše go latela seo. Gomme ka gona re bona Barongwa bale bašupa ba e tla fase fao godimo ga ntlhora ya thaba yela ka kua Arizona, ge e le dikgatišobaka go kgabaganya setšhaba di E rwele. Go bona Jesu ka Boyenamong kua ka magodimong, a lebeletše fase, gomme a bolela gore, “Ka go Kutollo 10:7, ka go Molaetša wa morongwa wa bošupa, mahuto a a tla bulwa, diphiri tša Modimo di tla dirwa go tsebatšwa.” Tšeo batsošološi ba sego ba phela botelele go lekanela go—go se tliša ntle. Gomme fa, mahuto a a šupago a ao a bego a tswaletše selo sohle a swanetše go bulwa ka letšatšing le. Go bona ka moka maswao a magolo a le dimaka tše di dirilwego,

di hlatselwa, tšeo di boletšwego pele pele di direga, gomme ga go nako le e tee fao O kilego wa re feila, eupša wa e dira go direga feela ka fao ya go bolelwa.

³²¹ Morategi Modimo, re a lemoga gore Jesu Kriste o ka magareng ga rena. Re a tseba gore O fa. O fa bošegong bjo, Modimo yo a bonalago o fa le rena, gomme o kgona go tlišetša tshephišo ye nngwe le ye nngwe ye A e dirilego ka Lentšung la Gagwe. Ka fao O emego gomme wa ba kgonthišetša, ka magetla a fularetše, ka mathomong a setlogo pele ga ge baekiši ba bile ba tsena ka ntikodikong, Morena, goba ba tsena ka—ka—ka lebelong, bjalo ka ge go bile bjalo. O laeditše le go kgonthiša, wa porofeta le go bolela tlwa tsela yeo e tla diregago, gomme re a bona e diregile ka tsela yeo. Gomme Tate, Modimo, re a tseba e ka se kgone go ba motho, e swanetše go ba Modimo. Ka fao re a tseba ke Wena fa bošegong bjo. Re lebalele dibe tša rena.

³²² Morategi Modimo, O fodišitše malwetši a rena, bjale le—lebalela dibe tša rena, Morena, tša go se be mohuta wa Mokriste wo re swanetšego go ba wona, e sego. . . Go bolela go ba monna goba mosadi wa Gospel—ya go tlala, gomme fa re ikhwetša ka borena beng re hlotša go tloga bjalo ka mantswana a kereke ya leina. Re thuše, morategi Modimo, re tšee gomme o re šišinye ka Moya wo Mokgethwa wa Gago. Gomme fao ge go ka ba selo se sengwe ka go rena seo se sa swanego le Wena, se ntšhetše ka ntle ga rena, Morena. Gomme bjala maoto a rena godimo ga Lentšu la Modimo le Lekgethwa, gomme a nke Moya wo Mokgethwa o tšhume fase ka pelong ya rena gomme o tšee ka moka togotogo ya go se dumele le modikologo wa letšatši le; oo, re emelele gomme re itšhišinye ka borenabeng. E fe, Modimo. Re hlwekiše! Re kgoloke! Re dire! Modimo, e fe.

³²³ Ge go na le ba ba itšego ka fa bošegong bjo, Morena, ba ba swerego ka dipelong tša bona thoro yela, tšene yela ya Modimo yeo e beetšwego Bophelo go tloga go theweng ga lefase; ke a tseba, Morena, gore ba tlamegile go kwa mo iring ye. Ka fao, ke a rapela, Modimo, gore O tla tlatša soulo tša bona gomme wa ba bonegela ka kolobetšo ye mpsha ya Moya wo Mokgethwa, gomme wa ba romela tseleng ya bona, ba thakgetše gomme ba thabile.

³²⁴ Morena Modimo, ba. . . Ke ba neela go Wena. Ga ke tsebe gore ke bo mang, O a tseba. Ke no ikarabela go rera Lentšu la Gago, Morena, ge O Le utolla. O ikarabela go ka moka ga lona: fao Peu e welago. Ke no E lahlela. Morena Modimo, ke a rapela gore E wetše ka go wo mobotse, wa go huma mobu bošegong bjo. Gore ba bantši ba tla Le bona, Morena, gomme ba tsoge e le Bakriste ba ba phadimago ka mo matšatšing a mafelelo, gore selo se segolo seo re lebeletšego gore se tle, se tla tla ka pela. E fe, Morena. Gomme O tla tšea Kereke ya Gago, Monyalwa wa

Gago, gomme wa Mo tšeela gae. Re E bona ka moka e dutše ka lenaneo. Etna, Morena Jesu. Re e neela ka moka go Wena, Leineng la Jesu Kriste, bakeng sa dipoelo. Amene.

Ke a Mo rata, ke a Mo rata
Ka gore O nthatile pele
Gomme a reka phološo ya ka
Godimo go wa Khalibari. . .

325 A le a Mo rata? Go lokile, gona le swanetše go ratana yo motee go yo mongwe. Šišinyang seatla sa yo motee go yo mongwe ge le e opela:

Ke a Mo rata, ke a Mo rata
Ka gore O nthatile pele
Gomme a reka phološo ya ka
Godimo. . .

326 Bjale a re *Mo* feng tumišo. Ke ba bakae ba ba tsebago pina ye:

Ke tla Mo tumiša, ke tla Mo tumiša,
Tumišang Kwana ye e bolaetšwego
badiradibe;
Mo feng letago ka moka lena batho,
Ka gore Madi a Gagwe a hlatswitše go tloša
patso ye nngwe le ye nngwe.

327 A re e opeleng bjale:

Ke tla Mo tumiša, ke tla Mo tumiša,
Tumišang Kwana ye e bolaetšwego
badiradibe;
Mo feng letago ka moka lena batho,
Ka gore Madi a Gagwe a hlatswitše go tloša
patso ye nngwe le ye nngwe.


328 A ga le ikwele ka moka le gapetšwe ka ntle? Emišang diatla tša lena gomme le re, “Oo, seo se ntira ke ikwele gabotse.” Ngwanešu, ke rata dipina tšela tša nako ya kgale. A ga le di rate? Di ya tlase ka pelong.

Ke tla Mo tumiša, ke tla Mo tumiša,
Tumišang Kwana ye e bolaetšwego
badiradibe;
Mo feng letago ka moka lena batho,
Ka gore Madi a Gagwe a hlatswitše go tloša
patso ye nngwe le ye nngwe.

329 A re nong go emiša diatla tša rena bjale gomme re tumišeng Modimo, yo mongwe le yo mongwe wa rena, ka tsela ya rena beng:

330 Morena Jesu, re leboga Wena. Re tumiša Wena, Morena. Re neela Wena tumišo ka batho ba ba bileditšwego ntle, ntle ga Babel. Re leboga Wena ka Madi a Morwa wa Gago, Jesu

Kriste. Re leboga Wena ka baka la gore O re dirile gore re hlweke motsotsong wo. Re leba-...Re kgopela tebalelo ya diphošo tša rena, botlaela bja rena, Morena, go thitšwa ga rena ka leswiswing. O Modimo, a nke re tsoge gomme re phadime, gomme re sepela ka Seetšeng sa mantšibuwa, gomme re be kenywa ya Sehlare se se tlogo pele ka Dietša tša mantšibuwa. E fe, morategi Modimo. Re ikgafela ka borenabeng go Wena, go la Jesu Kriste Leina.

³³¹ Bjale ka dihlogo tša lena di kobilwe, ke neela lena badiša ba ba thekgilego tirelo. 

DITIRAGALO TŠA SEBJALEBJALE DI DIRWA
GO BA PEPENENENG KE SEPOROFETO NST65-1206
 (Modern Events Are Made Clear By Prophecy)

Molaetša wo ka Ngwanešu William Marrison Branham, mathomong o abilwe ka Seisimane ka Mošupologo manthapama, Disemere 6, 1965, go Full Gospel Business Men's Fellowship International banquet ka Orange Show Auditorium ka San Bernardino, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org